

ワ 4  
6641  
24





174  
6641  
24



讀禮通考卷第八十七

經禮禮部侍郎兼翰林院學士教習庶吉士 大清宣統高勳 總纂 徐學

葬考六

雜志

易繫辭古之葬者厚衣之以薪葬之中野不封不樹喪

期無數後世聖人易之以棺槨蓋取諸大過注取其過厚○

是不封也不種樹標其處是不樹也喪期無數者哀除則止無日月限數也

周禮秋官蜡氏若有死於道路者則令埋而置楬焉書

其日月焉縣其衣服任器于有地之官以待其人掌凡


國之醜禁注有地之官止此地之吏也其人其家人也鄭司農云楬欲令其

在路死者有地之官謂比閭族黨之等皆有長吏若比長

閭胥黨宰之輩皆是縣衣服任器等仍使守掌使不失也

地官族師四閭為族八閭為聯使之相保相受以相葬

禮記通考卷八十七





埋

媒氏禁遷葬者與嫁殤者

注遷葬謂生時非夫婦死既葬遷之使相相接死而合之是亦亂人倫者也鄭司農云嫁殤者謂嫁死人也今時娶會是也

史浩曰遷葬者謂以死者求婦嫁殤者謂以死者求夫皆不經之甚者

士昭禹曰婚姻合二姓之好天地之義受命則於祖親迎則於庭三月而後廟見未廟見而死猶不遷於祖不附於皇姑歸葬於女氏之黨以示其未成婦殤而死者乃安為嫁

娶豈禮之意乎

顧湄曰遷葬者如魏武帝之於倉舒唐中宗之於重潤代宗之於倓是也嫁殤者如魏明帝之於女淑是也皆徇一己之私睚而悖先王之法禁者也周之

彼四君者何乃悍然而不之顧始作俑其魏武乎

秋官司烜氏邦若屋誅則為明竈焉

注屋讀如其刑剗之剗剗誅謂所殺不於市而以過


甸師氏也明竈若今揭頭明書其罪法也司烜掌明竈則罪人夜葬與○疏屋

名及罪狀著於身竈墻中也知夜葬者以其司

烜主明火掌夜事既令掌之則罪人夜葬可知

鄭謬曰屋誅台一家而盡誅之也知莫定公所斷獄殺其人壞其室沓其宮者

罪也



王制庶人縣封葬不為雨止不封不樹

注縣封當為縣空縣空者至卑不得引紼下棺

雖兩猶葬以其禮儀少封謂聚土為墳不封之義又為至卑無

飾也周禮曰以爵等為邱封之度與其樹數則士以上乃皆封樹

方慤曰封之名雖一然有所謂掩坎之封有所謂積土之封若檀弓言縣棺而

封即掩坎之封也若禮器言邱封之大即積土之封也此言不封亦不積土而已

陳祥道曰縣棺而下之封土而瘞之不為雨止以其有進無退也魯葬定公與

敬贏以雨不克葬而春秋譏之則不為雨止棺不特庶人而已必以庶人為言

以其葬具之不足易以事奪故也

大夫廢其事終身不仕死以士禮葬之

注以不任大夫也○疏致仕而退死得以大夫

禮葬故論語注云大夫退死葬以士禮致仕以大夫禮葬是也

周禮曰大夫廢其事而終身不仕者義也死以士禮葬之者恩也

胡銓曰案春秋大夫有過破黜則不書卒以其卒時非大夫也

檀弓公叔文子升於瑕邱蘧伯玉從文子曰樂哉斯邱

也死則我欲葬焉蘧伯玉曰吾子樂之則瑗請前

注刺其欲害人

劉彝曰伯玉惡其欲奪人之地自為身後計遂譏之曰吾子樂此則我請前行以去子矣亦不欲與聞其事可謂長於風喻者歟

喜豐重卷之七

二



季子皋葬其妻犯人之禾申祥以告曰請庚之子皋曰  
孟氏不以是罪予朋友不以是棄予以吾為邑長於斯  
也買道而葬後難繼也

方慤曰恃己之貴而虐民之賤非所以為仁殉己之利而忘民之  
害非所以為恕子皋昧於此且慮後之難繼焉所謂順非而澤也

春秋隱公三年冬十有一月癸未葬宋穆公

公羊傳葬者曷為或日或不日不及時而日渴葬也注不  
不及五月也渴喻急也

不及時而日慢葬也注慢薄不能以禮葬也  
八月葬蔡宣公是也

過時而日隱之也注隱痛也痛賢君不得以  
時葬丁亥葬齊桓公是也過時而不日謂之不

能葬也注解緩不能以時葬夏  
四月葬衛桓公是也當時而不日正也注八月葬陳  
惠公是也當時

而日危不得葬也

春秋莊公四年六月乙丑齊侯葬紀伯姬

公羊傳此復讎也曷為葬之注據恩怨  
不兩行滅其可滅葬其可

葬此其為可葬奈何復讎者非將殺之逐之也以為雖

遇紀侯之殯亦將葬之也注稱齊侯者善葬  
伯姬得其宜也

春秋僖公四年夏許男新臣卒八月葬許穆公

左傳許穆公卒于師葬之以侯禮也注男而以侯  
禮加一等凡諸侯薨

于朝會加一等注諸侯命有三等公為上  
等侯伯中等子男為下等死王事加二等於是

有以衾斂注衾衣公服  
也謂加二等

春秋成公十有八年春王正月庚申晉弑其君州蒲

左傳晉欒書中行偃使程滑弑厲公葬之于翼東門之

外以車一乘注言不以君禮葬  
諸侯葬車七乘

襄公十九年四月丁未鄭公孫蠆卒赴於晉大夫范宣

子言於晉侯以其善於伐秦也注十四年晉伐秦子蠆  
見諸侯師而勸之濟涇六月晉侯

請於王王追賜之大路使以行禮也注大路天子所賜車之總名以行  
葬禮傳言大夫有功則賜服路

二十五年夏五月乙亥齊崔杼弑其君光側莊公于北

郭注側瘞埋之  
不殯于廟丁亥葬諸士孫之里注死十三日便  
葬不待五月四嬰注喪車之飾  
諸侯六嬰



不蹕下車七乘不以兵甲

注下車送葬之車齊舊依上公禮九乘又有甲兵今皆降損

二十九年夏四月葬靈王

注不書魯不會鄭上卿有事子展使印

段往伯有曰弱不可

注印段年少官卑

子展曰與其莫往弱不猶

愈乎詩云王事靡盬不遑啟處東西南北誰敢甯處堅

事晉楚以蕃王室也

注言我固事晉楚乃所以蕃屏王室

王事無曠何常之有遂

使印段如周

昭公二年十一月鄭印段如晉弔三年春王正月鄭游

吉如晉送少姜之葬梁丙與張趯見之梁丙曰甚矣哉

子之為此來也

注卿其妾葬過禮甚

子大叔曰將得已乎昔文襄之

霸也其務不煩諸侯令諸侯三歲而聘五歲而朝有事

而會不協而盟君薨大夫弔卿其葬事夫人士弔大夫

送葬注先王之制諸侯之喪士弔大夫送葬在三年足以昭禮命事謀闕

而已無加命矣今嬖寵之喪不敢擇位而數於守適注不

敬以其位卑而令禮數如守適夫人然則唯懼獲戾豈敢憚煩少姜有

時適夫人之喪用送之禮已過文襄之制寵而死齊必繼室今茲注又將來賀不唯此行也

四年冬十有二月乙卯

孫豹卒杜洩將以路葬且盡

卿禮注路王所賜叔孫車

南遺謂季

曰叔孫未乘路葬焉用之且

冢卿無路介卿以葬不

左平注冢卿謂季孫

季孫曰然使杜洩

舍路不可曰夫子受命於朝而聘于王王思舊勳而賜

之路復命而致之君君不敢逆王命而復賜之使三官

書之吾子為司徒實書名夫子為司馬與工正書服孟

孫為司空以書勳今死而弗以路是棄君命也書在公

府而弗以是廢三官也若命服生弗敢服死又不以將

焉用之乃使以葬五年春王正月舍中軍以書使杜洩

告於殯曰子固欲毀中軍既毀之矣故告杜洩曰夫子

惟不欲毀也故盟諸僖闕詛諸五父之衢受其書而投



之帥士而哭之注痛叔孫之見誣叔仲子謂季孫曰帶受命於子

叔孫曰葬鮮者自西門注不以壽終為鮮西門非魯朝正門季孫命杜洩注命使從西門杜

洩曰卿喪自朝魯禮也吾子為國政未改禮而又遷之

羣臣懼死不敢自也注自既葬而行從也既葬而行注善杜洩能辟禍

春秋昭公八年夏四月辛丑陳侯溺卒○冬十月壬午

楚師滅陳○葬陳哀公

左傳冬十一月壬午滅陳輿嬖袁克殺馬毀玉以葬注與

眾也袁克嬖人之貴者欲以非禮厚葬哀公楚人將殺之請寘之注寘馬玉既又請私注私

盡君私於幄加經於頰而逃注幄帳也逃不為楚臣

春秋十有一年九月己亥葬我小君齊歸

左傳九月葬齊歸公不感晉士之送葬者歸以語史趙

史趙曰必為魯郊注言昭公必出在郊野不能有國侍者曰何故曰歸姓也

不思親祖不歸也叔向曰魯公室其卑乎君有大喪國

不廢蒐有三年之喪而無一日之感國不恤喪不忌君

也君無感容不顧親也國不忌君君不顧親能無卑乎

殆其失國

春秋三十年秋八月葬晉頃公

左傳夏六月晉頃公卒秋八月葬鄭游吉弔且送葬魏

獻子使士景伯詰之曰悼公之喪子西弔子矯送葬今

吾子無貳何故對曰先王之制諸侯之喪士弔大夫送

葬唯嘉好聘享三軍之事於是乎使卿晉之喪事敝邑

之間先君有所助執紼矣若其不間雖士大夫有所不

獲數矣大國之惠亦慶其加而不討其乏明底其情取

備而已以為禮也靈王之喪我先君簡公在楚我先大

夫印段實往敝邑之少卿也王吏不討恤所無也今大

夫曰女盍從舊舊有豐有省不知所從從其豐則寡君



幼弱是以不其從其省則吉在此矣唯大夫圖之晉人不能詰

春秋定公元年夏六月癸亥公之喪至自乾侯○秋七月癸巳葬我君昭公

左傳夏叔孫成子逆公之喪于乾侯六月癸亥公之喪至自乾侯戊辰公即位季孫使役如闕公氏將溝焉注闕魯公墓所在也季孫惡昭公欲溝絕其兆域不使與先君同○疏闕是先公葬地春秋言氏猶如言家故謂公之墓地為公氏言是公死之家宅也榮

駕鷲曰生不能事死又離之以自旌也縱子忍之後必或恥之乃止秋七月癸巳葬昭公於墓道南孔子之為司寇也溝而合諸墓注明臣無貶君之義

孟子墨者夷之因徐辟而求見孟子孟子曰吾固願見今我尚病病愈我且往見夷子不來他日又求見孟子

孟子曰我今則可以見矣不直則道不見我且直之吾

聞夷子墨者墨之治喪也以薄為其道也夷子思以見天下豈以為非是而不貴也然而夷子葬其親厚則是所以所賤事親也徐子以告夷子夷子曰儒者之道古之人若保赤子此言何謂也之則以為愛無差等施由親始徐子以告孟子孟子曰夫夷子信以為人之親其兄之子為若親其鄰之赤子乎彼有取爾也赤子匍匐將入井非赤子之罪也且天之生物也使之一本而夷子二本故也蓋上世嘗有不葬其親者其親死則舉而委之於壑他日過之狐狸食之蠅蚋姑嘬之其類有泚睨而不視夫泚也非為人泚中心達於面目蓋歸反藁槨而掩之掩之誠是也則孝子仁人之掩其親亦必有道矣徐子以告夷子夷子憮然為間曰命之矣

漢書龔勝勅後人勿隨俗動我家種柏作祠堂顏師古曰若葬多設



器備則恐被掘故云勿動我家也亦不得種柏及作祠堂皆不從俗

後漢書桓帝紀建和三年詔曰朕攝政失中災眚連仍今京師廝舍死者相枕郡縣阡陌處處有之甚違周文掩骼之義其有家屬而貧無以葬者給直人三千喪主布三匹若無親屬可於官塲地葬之表識姓名為設祠祭又徒在作部疾病致醫藥死亡厚埋藏民有不能自振及流移者稟穀如科州郡檢察務崇恩施以康我民通典晉武帝太康中尚書令衛瓘表前太子洗馬濟陰却詵寄止衛國文學講堂十餘年母亡不致喪歸便於堂北壁外下棺謂之假葬三年即吉詔用為征東參軍或以為城寺之內屋壁之間無葬處不成葬則不應除服主者連欲明用權不過其舉下司徒部博士評議詵表自埋曰臣生三月而孤隨母依外祖舅為縣悉將家

以咸甯二年母亡家自祖以下十四墳在緱氏而墓地數有水規悉遷改常多疾病遂便留此此方下溼唯城中高故遂葬於所居之宅祭於所養之堂不知其不可也詔問山濤濤答言詵前喪母得疾不得葬遂於壁後假葬服終為平輿長史論者以為不合正禮是以臣前疑之詵文義可稱又甚貧儉訪其邑黨亦無有他詔問應清議與否濤云自為不與常同便令人非恐負其孝慕之心宜詳極盡同異之論兗州大中正魏舒與濤書郊詵至孝中間去郎正為母耳居喪毀瘠殆不自全其父喪在緱氏欲改葬不能自致故過時不葬後於家堂北假葬埏道通堂中不時閉服欲闕乃閉葬後經年乃見用作平輿監軍長史任意傷俗以葬不時閉常為舒口語其事灼然無所為疑瓘書云凡以意相是非者不



可輕以相貶也

乾學案晉書郗詵本傳詵以對策上第拜議郎母憂去職詵母病苦無車及亡不欲車載柩家貧無以市馬乃於所住堂北壁外假葬開戶朝夕拜哭養雞種蒜竭其方術喪過三年得馬八匹輿柩至冢負土成墳未畢召為征東參軍徙尚書郎與通典不同

三國志魏武帝愛子倉舒病亡為聘司空掾邴原亡女合葬原辭曰合葬非禮也原之所以自容於明公公之所以待原者以能守訓典而不易也若聽明公之命則是凡庸也明公焉以為哉帝乃止復聘甄氏亡女合葬焉

邴實曰殉葬非禮也魏顯能違亂命於其父嫁傷非禮也曹操不能克私愛於其子此亦可以觀人矣原能辭殉而不能舍掾以去其視管甯能無愧乎

曹操篡漢有天下沒後恐人發其冢乃設疑冢七十二

在漳河之上

隋書大業二年十二月詔曰前代帝王因時創業君民建國禮尊南面而歷運推移年代永久邱壘殘毀樵牧相趨塋兆埋蕪封樹莫辨興言淪滅有愴於懷自古以來帝王陵墓可給隨近十戶蠲其雜役以供守視

舊唐書懿德太子重潤早以孝友知名既死非其罪大為當時所悼惜中宗即位追贈皇太子諡曰懿德陪葬乾陵仍為聘國子監丞裴粹亡女為冥婚與之合葬建甯郡王倓代宗深思其寃追贈齊王諡曰承天皇帝與興信公主第十四女張氏冥婚諡曰恭順皇后有司準式擇日冊命改葬於順陵

劉昌傳昌初至平涼劫盟之所收聚亡沒將士骸骨坎瘞之因感夢於昌有愧謝之意昌上聞德宗下詔深自



剋責遣秘書少監孔述睿及中使以御饌內造衣服數百襲令昌收其骸骨分爲大將三十人將士百人各具棺槨衣服葬於淺水原建二冢大將曰旌義冢將士曰懷忠冢詔翰林學士撰銘志祭文昌盛陳兵設幕次具牢饌祭之昌及大將皆素服臨之焚其衣服紙錢別立二石堆題以冢名諸道師徒莫不感泣

五代史莊宗時得唐故內人景姥言當李彥威弒昭宗時諸王宗屬數百人皆遇害而同爲一坑瘞於龍興寺北請合爲一冢而改葬之詔以故濮王爲首葬以一品禮云

蜀世家王宗壽許州民家子也王建以同姓錄之爲子及建子衍死宗壽上書求衍宗族葬之明宗嘉其忠許以諸侯禮葬宗壽得王氏十八喪葬之長安南三趙村

陸游家誠苦者植木冢上以識其處耳吾家自先太傅以上冢上松木多不遺數十太尉初葬善家比上世差爲茂鬱然亦止數畝耳左丞歸葬之後積以歲月林樹浸盛遂至連山瀕谷不可引曾孫遂有翦伐貿易之弊坐視則不可禁止則爭訟紛然爲門戶之辱其害更甚於厚葬吾死後墓木毋過數十或可不可後人於不孝之地戒之戒之石人石虎之類皆當罷之欲識墓處立一二石柱可也守墓以僧非舊也太傅嘗爲鄉邦其力非不可置庵瞻僧然終不爲豈儉其親哉蓋慮之審耳墳墓無窮家資厚薄不常方當盛時雖可辦貧則必廢又南方不族墓世世各葬若葬必置庵瞻僧數世之後何以給之吾墓但當如先世置一庵客歲量給少米拜掃日給之酒食及少錢此乃久遠事也若云賴僧爲福尤爲不然

羅頴物原几鑿葉昇而風化有巢始以藁掩之燧人積薪以葬軒轅始置棺夏禹加土聖成湯加木椁周公置棺槨桓離爲石椁○夏禹始制明器芻靈商湯設合巫咸始造開路神周武王置空碑隧道備機衣襚穆王加以殉室秦武公始以人殉唐王與始造紙錢今之權輿合類也明衣面帛襚類也湯始造明旌伊尹始造墓宮周公始爲華表周宣王始置石鼓石人虎羊馬秦始皇始作墳屋晉武帝始置神道碑周公始合葬挽歌起於周之中葉○墓有儀衛始於秦炙轂子曰秦漢以來帝王陵寢有石麒麟辟邪兕馬之屬人臣墓亦有石人羊虎之類

周密癸辛雜識今人造墓必用買地券以梓木爲之朱書云用錢九萬九千九百九十九文買地某地云云此村巫風俗如此殊爲可笑及觀元遺山續表堅志載曲陽燕川青陽壩有人起墓得鐵券刻金字云勅葬忠臣王處存賜錢九萬九千九百九十九貫九百九十九文此唐哀宗之時然則此事由來久矣

羊虎雜錄秦漢以來帝王陵前有石麒麟石象石辟邪石馬之屬人臣墓前有石虎石羊石人石柱之類皆以飾墳壙如生前之儀衛後漢太尉楊震葬日入壙驅罔象罔象好食亡者肝腦而畏虎與柏故墓上樹柏墓前立虎或曰陳倉人掘地得物若羊非羊獻之道逢二童子謂曰此名爲媼常在地食亡人腦若欲



設之以柏東南枝插其首由是墓前皆樹柏二說各異未知孰是禮係云大夫樹槩土樹楊秦禮經云古之葬者不封不樹後代封墓而又樹焉左傳云爾墓之木既拱矣

元史諸掩骼埋胔有司之職或饑歲流孳或中路暴死無親屬收認應聞有司檢覆者檢覆既畢就付地主鄰人收葬不須檢覆者亦就收葬

唐順之溇河橋枯骨屍骸完毀凡若干具其髑髏髀髁脊脅諸雜骨無算蓋出乎犬猪鳥禽所饜飽與夫日炙燹燒風銷水噓之餘而僅有存者自癸卯至乙巳東南薦饑流尸順河而下多於河中之船逮水落不能浮尸遂積疊河橋久之維古昔時遇饑饉疫則有荒政以聚民其不幸死而暴露則又有掩骼埋胔之令惜哉其不遭乎此時也諸生滔書舍在河橋余與弟正之數往焉每相與散步河橋之上則見泥滓間圍者如破甌滯者如枯株碎者如沙礫紛然彌望白日照之星星此則若向有光怪余三人者哀其漸滅且盡也命役夫哀而坎焉嗟乎古者葬則埋之以銘旌者別也銘者自名也若曰是某人之骸云耳雖後百千年有得之者亦識之曰是某人之骸云耳古人之於骨骸嚴而別亦不欲其混也若是今乃以五方四裔雜流異業之人而又以殘毀不完之川爾購我股甲脊之骨鑿於一坎若聚葦亂蓬然亦重可悲矣然余嘗見元僧發宋諸陵事火其尸以其餘骨雜牛馬骨而埋之今此猶向人骨也嗟乎彼生時何等人也尚不免於牛馬骨同葬況此輩李丐之餘猶得以人骨附人骨復何憾焉使髑髏果有知如莊生之說必且一曝於吾言矣坎之以嘉靖戊申春二月是掩骼埋胔之時也

明英宗實錄天順七年定國公徐永甯奏欲遷生祖母沈合葬祖塋改適祖母張葬別所及請誥封生母并妻事下禮部尚書姚夔并給事中袁愷等交劾其狂妄不識大體上曰永甯固狂妄第念其勲戚姑免執問其令自陳狀錦衣衛究為永甯寫本者治之都指揮僉事門達因言永甯恣肆越禮亦宜治罪遂命下刑部鞫罪當贖徒還爵上曰永甯贖罪畢仍停祿半年

乾學案徐永甯貶適崇庶悖禮亂常一徒曷足蔽厥辜甚矣刑罰之失中也

金九皋抱璞集秦攻齊齊使章子應之或有毀章子於齊王者王曰章子之母敗得罪於其父其父殺之而埋馬棧之下我使章子將也勉之曰夫子之強全兵而還必更葬將軍之母對曰臣非不能更葬先妾也臣之母得罪臣之父未致而死夫不得父之教而更葬母是欺死父也夫為人子而不欺死父豈為人臣欺生君哉君父一也雖無父命以君命更葬異其宅以自絕殺其禮以示貶其可也章子之不欺死父孝焉而泥者乎齊王以此而信其臣可謂善推其類矣



魏旅露書今人墓前有石羊石虎案石羊天祿也似鹿非鹿名曰挑拔石虎者  
辟邪也似虎非虎以能食鬼故曰辟邪今元且畫形縣門正辟邪也荆楚歲時  
記謂虎者誤羅願又謂挑拔一角曰天祿兩角曰  
辟邪者亦誤若係一獸十洲記不宜兩著其名矣  
輯柳編謂後人以石麟辟邪乃帝王陵寢所用改用石羊石虎則漢宗資亦  
非帝王墓前已用天祿辟邪矣且設此原以辟猛獸若用石羊甯復足用  
陳龍正曰栽樹以杉為第一能辟蛀次柏檜石楠冬青之屬松頗引蟻竹  
尤甚俱不宜用桂非不佳恐惹扳折挑柳治嫩勿栽周遠可植椶榆銀杏

通論

墨子節葬論子墨子言曰今王公大人有喪者曰棺  
槨必重葬埋必厚衣衾必多文繡必繁邱壠必巨金  
玉珠璣比乎身綸組節約車馬藏乎墳又必多為屋  
幕鼎鼓几榼壺濫戈劍羽旄齒革寢而埋之滿意若  
送從曰天子殺殉眾者數百寡者數十將軍大夫殺  
殉眾者數十寡者數人處喪之法將奈何哉曰哭泣  
不秩聲翁衰絰垂涕處倚廬寢苦枕由又相率強不  
食而為饑薄衣而為寒使面目陷隕顏色黧黑耳目

不聰明手足不勁強不可用也又曰上士之操喪也  
必扶而能起杖而能行以此其三年若法若言行若  
道使王公大人行此則必不能早朝五官六府辟草  
木實倉廩使農夫行此則必不能早出夜入耕稼樹  
藝使百工行此則必不能修舟車為器皿矣使婦人  
行此則必不能夙興夜寐紡績織紉細計厚葬為多  
埋賦之財者也故古聖王制為埋葬之法曰棺三寸  
足以朽體衣衾三領足以覆惡以及其葬也下毋及  
泉上毋通臭壟若參耕之畝則止矣死者既以葬矣  
生者必無久哭而疾而從事人為其所能以交相利  
也此聖王之法也昔者堯北教乎八狄道死葬鞏山  
之陰衣衾三領穀木之棺葛以緘之既泥而後哭滿  
埒無封已葬而牛馬乘之舜西教乎七戎道死葬南



巴之中衣衾三領穀木之棺葛以緘之已葬而市人乘之禹東教乎九夷道死葬會稽之山衣衾三領桐棺三寸葛以緘之絞之不合道之不埒土地之深下毋及泉上毋通臭既葬收餘壤其上壟若參耕之畝取止矣若以此三聖王者觀之則厚葬久喪果非聖王之道故三聖王者皆貴爲天子富有天下豈憂財用之不足哉以爲如此葬埋之法今王公大人之爲葬埋則異於此必大棺中棺革闔三操璧玉卽具戈劍鼎鼓壺濫文繡素練大鞅萬領輿馬女樂皆具曰必捶塗差通壟雖凡山陵此爲輟民之事靡民之財不可勝計也其爲毋用若此矣上稽之堯舜禹湯文武之道而政逆之下稽之桀紂幽厲之事猶合節也若以此觀則厚葬久喪其非聖王之道也今執厚葬

久喪者言曰厚葬久喪果非聖王之道夫胡說中國之君子爲而不已操而不擇哉子墨子曰此所謂便其習而義其俗者也昔者楚之南有炎人國者其親戚死朽其肉而棄之然後埋其骨乃成爲孝子秦之西有儀秉之國者其親戚死聚柴薪而焚之燻上謂之登遐然後成爲孝子此上以爲政下以爲俗爲而不已操而不擇則此豈實仁義之道哉此所謂便其習而義其俗者也故衣食者人之生利也然且猶尙有節葬埋者人之死利也夫何獨無節於此乎子墨子制爲葬埋之法曰棺三寸足以朽骨衣三領足以朽肉掘地之深下無菹漏氣無發洩於上壟足以期其所則止矣哭往哭來反從事乎衣食之財俱乎祭祀以致孝於親故曰子墨子之法不失死生之利者



此也

莊子古之喪禮貴賤有儀上下有等天子棺槨七重諸侯五重大夫三重士再重今墨子獨生不歌死不哭桐棺三寸而無槨以爲法式以此教人恐不愛人以此自行固不愛也恐其不可以爲聖人之道反天下之心天下不堪墨子雖獨能任奈天下何離於天下其去王也遠矣

荀子世俗之爲說者曰太古薄葬棺厚三寸衣衾三領葬田不妨田故不掘也亂今厚葬飾棺故掘也是不及知治道而不察於掘不掘者之所言也凡人之盜也必以有爲不以備不足足則以重有餘也而聖王之生民也皆使當厚優猶知足而不得以有餘過度故盜不竊賊不刺狗豕吐菽粟而農賈皆能以貨

財讓風俗之美男女自不取於塗而百姓羞拾遺故孔子曰天下有道盜其先變乎雖珠玉滿體文繡充棺黃金充槨加以以丹矸重之以曾青犀象以爲樹琅玕龍茲華覲以爲實人猶且莫之掘也是何也則求利之詭緩而犯分之羞大也夫亂今而後反是上以無法使下以無度行知者不得慮能者不得治賢者不得使若是則上失天性下失地利中失人和故百事廢財物闕而禍亂起王公則病不足於上庶人則凍餒羸瘠於下於是桀紂羣居而盜賊擊奪以危上矣安禽獸行虎狼貪故脯巨人而炙嬰兒矣若是則有何尤掘人之墓抉人之口而求利矣哉雖此僇而埋之猶且必掘也安得葬埋哉彼乃將食其肉而齧其骨也夫太古薄葬故不掘也亂今厚葬故掘也



言通考卷之三  
是特姦人之誤於亂說以欺愚者而潮陷之以偷取利焉夫是之謂大姦

韓子墨者之葬也冬日冬服夏日夏服桐棺三寸執喪二日世主以爲儉而尤之儒者破家而葬債子而償執喪三年毀而扶杖世主以爲孝而禮之也

呂覽節喪篇審知生聖人之要也審知死聖人之極也知生也者不以害生養生之謂也知死也者不以害死安死之謂也此二者聖人之所獨決也凡生於天地之間其必有死所不免也孝子之重其親也慈親之愛其子也痛於肌骨性也所重所愛死而棄之溝壑人之情不忍爲也故有葬死之義葬也者藏也慈親孝子之所慎也慎之者以生人之心慮以生人之心爲死者慮也莫如無動莫如無發無發無動莫

如無有可利則此之謂重閉古之人有藏於廣野深山而安者矣非珠玉國寶之謂也葬不可不藏也葬淺則狐狸扣之深則及於水泉故凡葬必於高陵之上以避狐狸之患水泉之溼此則善矣而忘姦邪盜賊寇亂之難豈不惑哉避之若瞽師之避柱也避柱而疾觸杙也狐狸水泉姦邪盜賊寇亂之患此杙之大者也慈親孝子避之者得葬之情矣善棺槨所以避螻蟻蛇蟲也今世俗大亂之主愈侈其葬則心非爲乎死者慮也生者以相矜尚也侈靡者以爲榮儉節者以爲陋不以便死爲故而徒以生者之誹譽爲務此非慈親孝子之心也父雖死孝子之重之不忘子雖死慈親之愛之不懈夫葬所愛所重而以生者之所甚欲其以安之也若之何哉民之於利也犯流



言集卷之二  
矢蹈白刃涉血盪肝以來之野人之無聞者忍親戚  
兄弟知交以求利今無此之危無此之醜其爲利甚  
厚乘車食肉澤及子孫雖聖人猶不能禁而況於亂  
國彌大家彌富葬彌厚含珠鱗施夫玩好貨寶鍾鼎  
壺盞舉馬衣被戈劍不可勝其數諸養生之具無不  
從者題湊之室棺椁數襲積石積炭以環其外姦人  
聞之傳以相告上雖以嚴威重罪禁之猶不可止且  
死者彌久生者彌疏生者彌疏則守者彌怠守者彌  
怠而葬器如故其勢固不安矣世俗之行喪載之以  
大輜羽旄旌旂如雲僂嬰以督之珠玉以備之黼黻  
文章以飭之引紼者左右萬人以引之以軍制立之  
然後可以此觀世則美矣侈矣以此爲死則不可也  
苟便於死則雖貧國勞民若慈親孝子者之所不辭

爲也

安死篇世之爲邱壟也其高大若山其樹之若林其  
設闕庭爲宮室造賓阼也若都邑以此觀世示富則  
可矣以此爲死則不可也夫死其視萬歲猶一曠也  
人之壽久之不過百中壽不過六十以百與六十爲  
無窮者之慮其情必不相當矣以無窮爲死者之慮  
則得之矣今有人於此爲石銘置之壟上曰此其中  
之物具珠玉玩好財物寶器甚多不可不扣扣之必  
大富世世乘車食肉人必相與笑之以爲大惑世之  
厚葬也有似於此自古及今未有不亡之國也無不  
亡之國者是無不扣之墓也以耳目所聞見齊荆燕  
嘗亡矣宋中山已亡矣趙魏韓皆亡矣其皆故國矣  
自此以上者亡國不可勝數是故大墓無不扣也而



世皆爭爲之豈不悲哉君之不令民父之不孝子兄  
之不悌弟皆鄉里之所釜鬻者而逐之憚耕稼採薪  
之勞不肯官人事而祈美衣侈食之樂智巧窮屈無  
以爲之於是乎聚羣多之徒以深山廣澤林藪扑擊  
渴奪又視名邱大墓葬之厚者求舍便居以微扣之  
日夜不休必得所利相與分之夫有所愛所重而令  
姦邪盜賊寇亂之人卒必辱之此孝子忠臣親父交  
友之大事堯葬於穀林通樹之舜葬於紀市不變其  
肆禹葬於會稽不變人徒是故先王以儉節葬死也  
非愛其費也非惡其勞也以爲死者慮也先王之所  
惡惟死者之辱也發則必辱儉則不發故先王之葬  
必儉必合必同何謂合何謂同葬於山林則合乎山  
林葬於阪隰則合乎阪隰此之謂愛人夫愛人者眾

知愛人者寡故宋未亡而東家相齊未亡而莊公家  
相國安甯而猶若此又况百世之後而國已亡乎故  
孝子忠臣親父交友不可不察於此也魯季孫有喪  
孔子往弔之入門而左從客也主人以璵璠收孔子  
徑庭而趨厯階而上曰以寶玉收譬之猶暴骸中原  
也徑庭厯級非禮也雖然以救過也

後漢書王符浮侈篇古之葬者厚衣之以薪葬之中野  
不封不樹喪期無數後世聖人易以棺槨桐木爲棺葛

采爲緘尸子曰禹之喪法死於陵者葬於陵死於澤者葬於澤桐棺三寸制喪

以緘之采猶下不及泉上不泄臭中世以後轉用椒梓槐  
柏椁之屬各因方土裁用膠漆使其堅足恃其用足  
任如此而已今者京師貴戚必欲江南檣梓豫章之木  
邊遠下士亦競相倣效夫檣梓豫章所出殊遠伐之高



山引之窮谷入海乘淮逆河汴洛工匠雕刻連累日月  
會眾而後動多年而後致重且千斤功將萬夫而東至  
樂浪西達敦煌費力傷農於萬里之地古者墓而不墳  
中世墳而不崇仲尼喪母冢高四尺遇雨而崩弟子請  
修之夫子泣曰古不修墓及鯉也死有棺無槨文帝葬  
芷陽明帝葬洛南皆不藏珠寶不起山陵墓雖卑而德  
最高今京師貴戚郡縣豪家生不極養死乃崇葬或至  
金縷玉匣櫛梓槨多埋珍寶偶人車馬造起大冢廣  
種松柏廬舍祠堂務崇華侈案鄣畢之陵南城之冢周  
公非不忠曾子非不孝以為衰君愛父不在於聚財揚  
名顯親無取於車馬昔晉靈公多賦以雕牆春秋以為  
不君華元樂舉厚葬文公君子以為不臣況於羣司士  
庶乃可僭侈主上過天道乎

霍實政論送終之家亦六無度至念親將終無以奉  
遣乃約其供養衣服豫修已沒之制竭家盡業甘之  
不恨窮阨既迫起為盜賊拘執陷罪為世大戮痛乎  
此俗之愚民也

姚信曰葬於寬平則恐後世都邑居之葬於陵野則恐民人耕稼及之厚停大棺人所為用下土窆材木民人率多發掘以善其居千墳萬壙無不毀者其唯  
瓦棺薄葬歟以時服依於高邱  
徹於深窆庶乎可以不辱耳  
鄭所南心史古之葬者厚衣之薪葬之中野不封不樹將以泯之於太朴之天也劉向言黃帝時始制棺槨自是之後緣情制禮三代損益尚從簡朴甯儉甯戚為禮之本始得盡子孫之心又得盡春秋霜露之感祭於斯祥於斯也古人胸中高明一見便了所以古法人人皆葬皆無疑皆罔不合未若後世棄本逐末侈為華謬温公葬論伊川葬說允為正大之端呂才救時卜宅祿命葬三篇亦正所學則淺陋也左傳曰天子七月而葬諸侯五月而葬大夫三月而葬士踰月而葬之節或書其緩其速其禮其非禮其過制厚葬春秋其嚴乎與禮記喪期微有異是為古制必有以也且地理之說其可考者公劉居幽有相其陰陽之意至十四世周成王有命召公先相洛之事孔子有卜其宅兆而安厝之之語卜者擇其吉也曲禮已有前朱鳥後玄武左青龍右白虎之說暨乎春秋左傳書葬頗多主乎大義不及葬法儀禮禮記喪祭最備語葬亦多主禮不及葬法檀弓縣子曰夫喪不可不深長思也至於葬獨不深長思之何與國子高曰葬者藏也欲人弗得見也孟子曰無使土親膚也是掩親之道也孔子曰葬於北方北首三代之達禮也之幽之故也禮運曰死者北首鄭康成註謂地藏



為葬也是不可首南首東首西而葬也此三代之葬法也子游問喪具子曰稱家之有無毋過制苟亡矣還葬懸棺而封謂無則便為窆東棺直下而葬也孔子曰吾見封之如堂如坊如夏屋如斧馬鬣封也孔子以延陵季子習禮觀其葬長子於贏博之間孔子曰其坎深不至於泉謂度深得宜曰深此即孔子之葬法也孔子合葬於防封之高四尺因周制也子曰夫子制棺四寸椁五寸孟子曰中古棺七寸椁稱之則棺椁六向俱當厚也莊子曰衛靈死卜葬於古墓不吉卜葬於沙邱而吉掘之數仞得石椁焉則周未已重卜葬之吉凶矣漢興風俗漸繁漸華正如漢京房輩卜筮之斷不如左傳載卜筮之斷明白簡當也淮陰侯布衣時貧無以葬母乃行營高敞地令其傍可置萬冢者太史公聞淮陰人言視其母冢良然則漢初已向地理山川之勝矣至晉地理之術始盛行羊祜猶出折臂三公陶侃葬牛眠地郭璞葬龍耳不三年當致天子等說人相傳為美談地理家謂始於赤松子青囊書錦囊書狐首經樗里子青鳥先生郭璞一行師袁李曾楊輩俱精其術郭璞青囊中書已為火取去今所存狐首經為第一書邇後其書千百議論縱橫遇有安厝或以此事為重呂坤曰古者墓而不墳示無見也無見者保萬年之體魄中古三尺後世崇之以爵為尺示有見也有見者觸于載之心日晚近世以屋以樹俾作神依總之如生如存之意致愛致慈之心顧子孫之孝思何如耳忘本原者薪冢木鬻墓石封上皆牛羊之迹希福利者發深藏暴枯骨觀中無安定之身或瘞父母於兩地夫妻亦世世離或委骨肉於異鄉子孫不復展省於心安乎甚矣葬師之誤人也○又曰生而官牆沒而暴之中野吾忍乎哉作室於墓築以周垣樹以松楸猶然室家也生死安之堪輿家言墓不宜木秦樹草木以象山後世陵寢因之未見有不宜者○封內有舊墓雖貧雖孤無遷生有鄰也死獨無乎擁從環繞胡為乎不可無子孫者節序有惠及焉無使餒而

讀禮通考卷第八十七

讀禮通考卷第八十七補遺

雜志

康譽之昨夢錄北俗男女年當嫁娶未昏而死者兩家命媒互求之謂之鬼媒人通家狀細帖各以父母命禱而卜之得卜即製冥衣男冠帶女裙帔等畢備媒者就男墓備酒果祭以合昏設二座相並各立小幡長尺餘者於座後其未奠也二幡凝然直垂不動奠畢祝請男女相就若合登焉其相喜者則二幡微動以致相合若一不喜者幡不為動且合也又有慮男女年幼或未嫺教訓男即取先生已死者書其姓名生時已薦之使受教女即作冥器充保母使婢云屬既已成昏則或夢新婦謁翁姑婿謁外舅也不如是則男女或作祟見穢惡之迹謂之男祥女祥鬼兩家亦薄以幣帛酬鬼媒鬼媒每歲察鄉里男女之死以養生焉



讀禮通考卷第八十八

繼禮部存疑 葬考七 大清真統志副編明史總纂徐學

山陵一

三秦記秦謂天子墳曰山漢云陵亦通言山陵言高大如山如陵

太昊伏羲氏

帝王世紀葬南郡

九域志單州有伏羲冢

路史葬山陽註帝冢在山陽高平襄陽之境

文獻通考葬宛邱註在陳州

女媧氏

戴延之西征記潼關直北隔河切塹層阜巋然獨秀謂



之風陵此是女媧墓

柳芳唐歷風陵天寶十三載五月失之乾元元年六月一日復出

太平寰宇記閩鄉津去閩鄉縣三十里卽舊風陵關有女媧墓自秦漢以來皆繫祀典唐乾元二年虢州刺史王奇光奏所部閩鄉界女媧墓天寶末失其所在今月一日夜河上側近忽聞風雷聲曉見墓湧出上有雙柳樹下有巨石其柳各高丈餘

元和郡縣志女媧陵在任城縣東南三十九里

城家記女媧墓有五其一在趙簡子城東五里

羅莘路史註女媧墓一在晉之趙城東南五里高二

丈皇朝列祀於此

隆平集乾德四年詔置守陵五戶春祀少牢

炎帝神農氏

帝王世紀葬長沙

郡國志神農氏葬長沙長沙之尾東至江夏謂之沙

羨今郡有萬里沙祠

路史炎帝崩葬長沙茶鄉之尾是曰茶陵所謂天子

墓者有唐嘗奉祠焉

路史註炎陵今在麻陂林密不可入石麟石上兩杉

蒼然逾四十圍其上陵也前正對紫金嶺五行書云

神農丁亥日死丁未日葬

文獻通考淳熙十四年衡州守臣劉清之奏史載炎

帝陵在長沙茶陵今衡州茶陵縣是也陵廟皆在康

樂鄉白鹿原距縣百里而祠宇廢祖宗時給近陵七

戶守視禁其樵牧宜復建廟給陵戶禮官請如故事



命守臣行之

名勝志史記炎帝葬于茶山之野茶山即景陽山也  
以陵谷間多生茶茗故名在茶陵州治東高一千五  
百丈周迴百四十里茶水發源山北流瀧下十里合  
白鹿泉水以入於洙水經洙水出茶陵縣上鄉西北  
過其縣西地理志謂之泥水也白鹿原去州南一百  
里炎帝墓在焉

炎帝陵在酃縣常樂鄉舊傳宋太祖嘗夢一大人執  
火頂笠既覺問之羣臣曰此炎帝也遣使往南問之  
至橋梁嶺遇一老人指示陵所遂勅有司立廟祀焉  
額曰福濟陵前有古杉一株今只存半長一丈餘尚  
作凌空之勢又有樟木橫巨水中枯空若洞所謂空  
樟洞也有河澗源自珠山分流遶陵廟而過中有游

魚人莫能取岸側多生白楊每遇花時紛開如雪然

黃帝軒轅氏

皇覽黃帝冢在上郡橋山

括地志黃帝陵在甯州羅川縣東八十里子午山

元和郡縣志子午山亦曰橋山在真甯縣東八十里

黃帝陵在山上

九域志橋山漢地理志云在上郡陽周縣南風土記

云陽周縣南有黃帝陵陵在子午山上

路史註案混天記黃帝葬南陵山神鑑黃帝葬南甲

山思元賦註黃帝葬西海橋山

朱彙尊曰史記黃帝崩葬橋山皇覽謂在上郡地理志謂是上郡同陽縣括地  
志謂在甯州羅川縣今平谷有黃帝陵人多疑流傳之誤然帝既都涿鹿則葬  
於此理亦有之抑衣冠  
之葬或者非一處也

乾學案軒轅陵在橋山載紀所同特橋山匪



一上郡媯州皆有之漢武帝元封元年帝北  
巡朔方勒兵十餘萬還祭黃帝冢橋山此上  
郡之橋山也北魏明元帝神瑞二年六月丁  
卯南次石亭幸上谷壬申幸涿鹿登橋山觀  
溫泉使使者以太牢祠黃帝遂至廣甯泰常  
七年九月幸灑南遂如廣甯幸橋山遣使者  
祠黃帝因東幸幽州太武帝神麇元年八月  
東幸廣甯臨觀溫泉以太牢祭黃帝此媯州  
之橋山也郭景純注山經云帝王冢墓皆有  
定處而山經往往復見蓋聖人久於其位仁  
化廣及至於殂亡四海無思不哀故絕域殊  
俗之人聞天子崩各自立位而祭起土爲冢  
是以所在有焉景純之論可謂善言古者矣

後之讀史者偏執成見以史記爲是必以魏  
書爲非然黃帝既都涿鹿安在媯州之不可  
營葬也乎

### 少昊陵

遁甲開山圖葬雲陽

路史註在今茶陵之露水鄉攸縣界

明一統志少昊陵在曲阜縣

名勝志曲阜縣東北二里有壽邱金改壽陵少昊陵  
在壽陵東前有石壇石像極其工巧又有八卦石

乾學案宋乾德中下詔申先代帝王陵寢樵  
采之禁分設守陵戶或春秋祠或歲一饗或  
三年一祭著於甲令獨不及少昊陵其祭於  
兗州蓋自金始若諸家地志則自元以前均



莫之載也

顓頊陵

山海經務隅之山帝顓頊葬于陽九嬪葬于陰注家今在濮陽

故帝邱也一曰頓邱縣城外廣陽里中

附禺之山帝顓頊與九嬪葬焉邱方圓三百里邱西有沈淵顓頊所浴

水經註淇水北逕白祠山東歷廣陽里逕顓頊冢西俗謂之殷王陵非也帝王世紀曰顓頊葬東郡頓邱城南廣陽里大家者是也

元和郡縣志顓頊陵在頓邱縣西北三十五里

輿地廣記濮陽縣鮒鮒山帝顓頊所葬

十道志鮒鮒即廣陽山之別名

郡國志顓頊葬處俗名青冢山

崔鴻前趙錄光初四年將於霸陵西南營壽陵侍中喬豫和苞上疏諫曰臣等伏聞勅旨營建壽陵周圍四里下深二十五丈以桐為棺椁黃金飾之臣聞堯葬穀林市不改肆顓頊葬高陽下不及泉聖王之於終也如是

路史註帝陵在相州臨河乾德四年置守陵戶高陽在臨河九域志順安高陽縣有顓頊陵縣故臨河濮陽與相出入也至顏真卿吳地記烏程有顓頊陵則非矣

帝嚳陵

山海經狄山一作秋帝嚳葬于陰註今冢在頓邱縣城南臺陰野中也

皇覽帝嚳冢在東郡濮陽頓邱城南臺陰野中

帝王世紀帝嚳葬東郡頓邱廣陽里



水經註淇水逕雍榆城東北帝嚳冢西世謂之頓邱臺非也皇覽曰帝嚳冢在東郡濮陽頓邱城南臺陰野中者也

元和郡縣志頓邱西北三十五里有秋山縣北三十里有帝嚳墓

太平寰宇記秋山在頓邱縣西北三十五里帝嚳葬於山陰今陵見存

路史帝葬頓邱臺城陰野之秋山所謂頓邱臺也路史註唐以仲春祀帝嚳于頓邱三年一享

帝堯陵

山海經狄山帝堯葬于陽註今陽城縣西東阿縣城次鄉中褚陽縣相亭南皆有堯冢

墨子堯北教乎八狄道死葬蛭山之陰衣衾三領穀木之棺葛以緘之既訖而後哭滿罔無封已葬而牛

馬乘之

呂氏春秋堯葬于穀林通樹之高誘注通林以為樹也

帝王世紀堯崩葬于濟陽之成陽西北是為穀林元和郡縣志堯陵在雷澤縣西三里貞觀十一年詔

禁人芻牧春秋奠酌漢成陽靈臺碑畧惟帝堯母慶都氏姓曰伊歿葬於

茲欲人莫知名曰靈臺上立黃屋堯所奉祠水經注地理志曰成陽有堯冢靈臺今成陽城西二

里有堯陵陵南一里有堯母慶都陵於城為西南稱曰靈都鄉號崇仁邑號修義皆立廟四周列水潭而

不流水澤通泉泉不耗竭至豐魚笱不敢採捕前並列數碑枯柏數株檀馬成林二陵南北列馳道逕通

皆以磚砌之尚修整堯陵東城西五十餘步中山夫



人祠堯妃也石壁堦墀仍舊南西北三面長櫟連蔭  
扶疎里餘漢建甯四年五月成陽令管遵所立碑文  
云堯陵在城南九里中山夫人初在城南二里東南  
六里堯母慶都冢考地驗狀咸爲疎僻蓋聞疑書疑  
耳

歐陽修集古錄案皇覽云堯冢在濟陰城陽呂氏春  
秋云堯葬穀林皇甫謐云穀林卽成陽然自史記地  
志及水經諸書皆無堯母葬處惟見於此碑蓋亦葬  
成陽也

趙明誠金石錄成陽屬今雷澤歐陽集古錄謂史記  
地志及水經諸書皆無堯母葬處案班固西漢劉昭  
東漢書地理志皆曰成陽有堯冢靈臺而東漢志章  
帝元和二年東巡狩將至太山道使使者奉一太牢

祠帝堯於濟陰成陽靈臺與章帝紀所載正同帝紀  
章懷太子注引郭緣生述征記云成陽縣東南有堯  
母慶都墓上有祠廟俗亦名靈臺文母水經注今成  
陽城西二里有堯陵陵南一里有堯母陵於城爲西  
南稱爲靈臺蓋兩漢所載似以靈臺爲堯冢惟此碑  
與述征記水經迺直指爲堯母冢爾然水經云在成  
陽西南而述征云在東南未知孰是

洪适隸釋兩漢地志濟陰成陽有堯冢靈臺不明言  
靈臺爲堯母冢也章帝紀元和二年使使者祠唐堯  
於成陽靈臺注引郭緣生述征記曰成陽有堯陵南  
一里有堯母慶都陵稱曰靈臺據此與碑合靈臺非  
堯冢明矣

路史堯之冢在今濮州之雷澤東南而王克乃云葬



崇山墨子則謂北教八狄道死南已之市而葬蛩山之陰蓋儀墓爾郭緣生述征記成陽城東南九里有堯陵郭氏所記乃小成陽在成陽西北五十里隸於河南有山曰成陽穀林在其下小成陽以山得名乃堯葬所在

帝舜陵

檀弓舜葬于蒼梧之野蓋三妃未之從也注舜征有苗而死因留葬焉。

疏此論古不合葬淮南子云舜征三苗而遂死蒼梧從猶就也三妃不就蒼梧與帝合葬也

山海經蒼梧之山帝舜葬于陽帝丹朱葬于陰注卽九疑山也

赤水之東有蒼梧之野舜與叔均之所葬也

南方蒼梧之邱蒼梧之淵其中有九疑山舜之所葬

在長沙零陵界中注山在今零陵營道縣南其山九疑皆相似故云九疑古者總名其地爲蒼梧也

墨子舜西教乎七戎道死葬南紀之市衣衾三領穀

木之棺葛以緘之已而市人乘之

呂氏春秋舜葬于紀市不變其肆注九疑山下亦有紀邑

史記舜崩于蒼梧之野葬于江南九疑是爲零陵

元和郡縣志九疑山在永明縣東南一百里舜所葬

也九山相似行者疑惑故爲名二妃冢在華容縣北

一百六十三里青草湖上

拾遺記舜葬于蒼梧之野有鳥如雀丹州而來吐五

色之氣氤氳如雲名曰憑霄雀能羣飛銜土成邱墳

此鳥能反形變色集於峻木之上在木則爲禽行地

則爲獸變化無常游丹海之際時來蒼梧之野銜青

砂珠積成壘阜名曰珠邱其珠輕細風吹如塵名曰

珠塵

方輿勝覽檀弓云舜葬於蒼梧之野習鑿齒云虞舜



葬零陵元和郡縣志亦云九疑舜之葬也案太史公曰舜南狩行死於蒼梧之野歸葬於江南之九疑山海經云舜之所葬在今道州零陵縣界蒼梧九疑當是兩處後人誤引舜死之地以為舜葬之所耳

元混一方輿勝覽舜陵在女英峰下

羅泌曰孟子曰舜生於諸馮遷於負夏卒於鳴條諸馮負夏鳴條皆在河南北故葬於紀所謂紀市也今帝墓在安邑而安邑有鳴條陌其去紀纔兩舍帝紀言河中有舜冢信矣其言舜葬蒼梧則自漢失之李白詩云重瞳孤墳竟何似則虞舜之冢不明自昔以為憾也

### 大禹陵

墨子禹葬會稽衣衾三領桐棺三寸葛以緘之絞之不合道之不培土地之深下毋及泉下毋通臭既葬收餘壤其上壟若參耕之畝

呂氏春秋禹葬于會稽不變人迹注言無所興造不擾民也

淮南子禹葬會稽之山農不易其畝

越絕書禹葬會稽葦椁桐棺穿壙七尺上無漏泄下無即水壇高三尺土階三等延袤一畝尚以為居之者樂為之者苦無以報民功教民鳥田一盛一衰當禹之時舜死蒼梧象為民田也禹至此者亦有因矣吳越春秋禹周行天下還大越登茅山更名曰會稽鳳凰棲於樹鸞鳥巢於側麒麟步於庭百鳥佃於澤將老命羣臣曰我百世之後葬我會稽之山葬之後無改畝禹崩眾瑞並去天美禹德而勞其功使百鳥還為民田大小有差進退有行一盛一衰往來有常皇覽禹冢在會稽山上

水經注會稽山上有禹冢昔大禹即位十年東巡狩崩於會稽因而葬之有鳥來為之耘春拔草根秋啄其穢是以縣官禁民不得妄害此鳥犯則刑無赦



括地志禹陵在越州會稽縣南十三里廟在縣東十  
一里

九域志禹陵在會稽山上有禹井

金石錄漢窆石銘永建元年五月唐禹穴碑鄭魴序

元稹銘韓籽材書寶歷二年九月立

會稽志禹陵窆石遺字直寶文閣王順伯復齋碑錄

定爲漢刻舊經云禹葬於會稽取此石爲窆

演繁露漢地理志會稽郡山陰縣注云會稽山在南

上有禹冢禹井今紹興府城東十許里有告成觀觀

有禹廟相傳禹墓在廟東之小山山下又有窆石或

云禹葬所用然絕無信傳又其地自在山陰縣治之

東與古傳在南者方鄉不應若紹興府府治則又在

今山陰縣之西而其正南大山卽秦望山也秦始皇

父子皆登此山以祭禹矣南史紀秦碑至是尙在讀

二世碑是也然則禹墓在秦望山上山陰縣南而不

在告成觀甚明

元混一方輿勝覽禹穴在龍瑞宮之側

孔甲墓

明一統志在永甯縣東北三嶠山

夏后皋墓

左傳蹇叔曰殺有二陵焉其南陵夏后皋之墓也

注

水經注石嶠水出石嶠山山有二陵南陵夏后皋之

墓

元和郡縣志二嶠山又名嶺崙山在永甯縣北二十

八里



輿地廣記永甯縣西北有二嶠山連入硤石界其南夏后皋之墓也

成湯陵

皇覽湯冢在濟陰亳縣北東郭去縣三里冢四方各十步高七尺上平處平地漢哀帝建平元年大司空御史長卿案行水災因行湯冢

水經注崔駰曰湯冢在濟陰亳縣北皇覽曰亳城北郭東三里平地有湯冢冢四方各十步高七尺上平也漢哀帝建平元年大司空史郤長卿案行水災因行湯冢在漢屬扶風今徵之迴渠亭有湯地徵陌是也然不經見難得而詳案秦甯公本紀云二年伐湯三年與亳戰亳王奔戎遂滅湯然則周桓王時自有亳王號湯爲秦所滅非殷湯矣劉向言殷湯無葬

處爲疑杜預曰梁國蒙縣北有薄伐城城中有成湯冢今城內有故冢方墳疑卽杜元凱之所謂湯冢者也

元和郡縣志殷湯陵在寶鼎縣北四十三里

太平寰宇記殷湯陵在蒲州寶鼎縣北四十三里後魏太和中有人張恩破陵求貨其陵下先有石弩以銅爲鏃盜開堽門矢發中三人皆斃恩更爲他計卒取得墓中物其物多是鍾磬及諸樂器得其銘恩恐人知以銘投之汾水後事泄爲主司所理乃於水次取得其銘銘曰吾死後二千年終困於恩由是執事不復深加其罪劉向云湯無葬地蓋不練其處也隆平集乾德四年詔給守陵五戶蠲其役仍令長吏春秋奉祀



明一統志在滎縣北四十里元癸未歲淪于河

太戊陵

文獻通考葬大名內黃縣東南

隆平集乾德四年詔給守陵三戶歲一享

明一統志在內黃縣南三十里

高宗陵

白哀魯國地記吳阪之下便得隱穴旁入三里穹窿

蒙密傳說之所讚武丁之所墓

九域志商高宗陵在淮甯府西華縣北

隆平集乾德四年詔給守陵三戶歲一享

周王季墓

論衡王季葬于滑山之尾欒水擊其墓見棺之前和

文王曰嘻先君必欲一見羣臣百姓也夫故使欒水

見之於是也而為之張朝而百姓皆見之三日而後

更葬

文王墓

括地志文王墓在雍州萬年縣西南二十八里原上

雍錄孟子曰文王生於岐周卒於畢郢畢之為地或

云在渭之北或云在渭之南其主渭北者則漢劉向

言文武周公葬於畢而師古釋之曰在長安西北四

十里即咸陽矣故元和志曰咸陽縣治畢原也此皆

以畢為在渭北者矣至其命為渭南者皇覽曰文武

周公冢皆京兆長安鎬聚東杜中又曰秦武王冢在

安陵縣西北畢陌中冢是也人以為周文王冢者

非也周文冢在杜中案杜中即杜縣之中也杜縣在

鎬之東於唐長安縣為東南二十里此說而果不謬



則畢又在渭南也予於是取此數說者而參求之長安有畢陌咸陽又有畢原則原之為地巨渭南北有之故古記於畢皆著文武葬地者因畢名兩出而亦兩傳也此其誤之所起也若以人情言之文都豐武都鎬豐鎬與杜相屬則皇覽謂文王葬於渭南者其理順也文王既葬渭南則周公葬畢必附文墓矣劉向傳臣瓚引汲郡古文為據曰畢西於豐三十里則地為渭南甚明安陵有大家皇覽明指其為秦文王墓則渭北之文冢其不為周文而為秦文亦可據矣

武王陵

安陵在咸陽  
汲冢周書武王崩鎬殯于岐周葬于畢皇覽文王武王冢皆在京兆長安鎬聚東杜中

隆平集文武二冢乾德四年給陵戶祠祭如太昊

成王陵

文獻通考葬京兆咸陽縣

康王陵

文獻通考葬京兆咸陽縣

隆平集成康二冢乾德四年詔給守陵三戶歲一享

昭王陵

明一統志在登封縣少室山陽城西谷

穆王陵

明一統志在西安府西南二十五里張恭村

厲王陵

明一統志在霍州東北王出奔彘而崩因葬焉

幽王陵



元和郡縣志周幽王陵在長安縣東北二十五里  
明一統志在臨潼縣東北二十五里

桓王陵

太平寰宇記葬河南澠池縣東北一百二十里

靈王陵

皇覽靈王冢在河南城西南柏亭西周山上蓋以王  
生而有髭而神故謚靈王其冢民祀之不絕

水經注洛水故瀆東逕周山上有周靈王冢

景王 悼王 敬王陵

皇覽景王冢在洛陽太倉中秦封呂不韋洛陽十萬  
戶故大其城并圍景王冢也

寰宇記帝王紀云景王葬於翟泉今東陽門內有大  
街北有太倉中是景王陵西南望步廣里北眺翟泉

二處相距遠近畧均之也

水經注洛水東北逕柏亭南又東北逕三王陵三王  
或言周景王悼王定王也子朝作難悼敬二王與景  
王俱葬於此故世以三王名陵帝王世紀曰景王葬  
於翟泉今洛陽太倉中大冢是也而後傳言在此所  
未詳矣又悼敬二王稽諸史傳復無葬處今陵東有  
石碑錄赧王以上世王名號考之碑記周墓明矣

文獻通考景王葬河南洛陽縣太倉中

威烈王陵

文獻通考葬河南洛陽城中東北隅

隆平集

赧王冢



明一統志在隴州西北三十里

秦始皇陵

史記始皇初卽位穿治酈山及并天下天下徒送詣七十餘萬人穿三泉下銅而致椁宮觀百官奇器珍怪徙藏滿之令匠作機弩矢有所穿近者輒射之以水銀爲百川江河大海機相灌輸上具天文下具地理以人魚膏爲燭度不滅者久之二世曰先帝後宮非有子者出焉不宜皆令從死死其甚眾葬既已下或言工匠爲機藏皆知之藏重卽泄大事畢已藏閉中羨下外羨門盡閉工匠藏者無復出者樹草木以象山

賈山至言秦皇帝死葬乎驪山吏徒數十萬人曠曰十年下徹三泉合采金石冶銅錮其內漆塗其外被以珠玉飾以翡翠中成觀游上成山林爲葬葬之侈至於此使其後世曾不得蓬顆蔽冢而託葬焉

漢舊儀驪山者古之驪國晉獻公伐之而取二女曰驪姬此山多黃金其南多美玉曰藍田故始皇貪而葬焉使丞相李斯將天下刑人徒隸七十二萬人作陵鑿以章程三十七歲銅水泉絕之塞以文石致以丹漆深極不可入奏之曰丞相臣斯昧死言臣所將徒隸七十二萬人治驪山者已深已極鑿之不入燒之不然叩之空空如下天狀制曰鑿之不入燒之不然其旁行三十丈乃止

皇覽墳高五十餘丈周回五里餘  
博物志始皇陵在驪山之北高數十丈周回六七里  
今在陰盤縣界北陵雖高大不足以銷六丈冰背陵



障使東西流又此山運取大石於渭北渚故歌曰運石甘泉口渭水爲不流千人唱萬人鉤金陵餘石大如彊

水經注秦始皇大興厚葬營建冢壙於麗戎之山一名藍田其陰多金其陽多玉始皇貪其美名因而葬焉斬山鑿石下涸三泉以銅爲椁旁行周回三餘里上畫天文星宿之象下以水銀爲四瀆百川五岳九州具地理之勢宮觀百官奇器珍寶充滿其中令匠作機弩有所穿逆輒射之以人魚膏爲燭取其不滅者久之後宮無子者皆使殉葬甚眾墳高五丈周回五里餘作者七十萬人積年方成

元和郡縣志秦始皇陵在長安縣東八里始皇卽位治驪山陵役徒七十萬人今案其陵高大亦不足役七十萬人積年之功蓋以驪山水泉本北流者陂障使東西流又此土無石取大石於渭北諸山皆費功力由此也

雍錄關中記曰麗山之陵雖高大亦不足役七十萬人積年之功爲其徙移水勢本北流者皆西北之又此土無石取大石於渭北諸山其費功由此甚也此說是矣而不究其實也驪山阿房兩役並興未論他事且計八十里閣道其土木之費工力之大自應廣調而久役矣史記及賈山疏皆言阿房始皇所造尚黃圖言阿房一名阿城惠文已造而始皇廣之此恐不然也始皇明言朝廷小不足容眾故渡渭而南以營朝宮則其創意營造出於始皇不出前人也魏了翁古今考高祖爲亭長送徒驪山秦政自營墳



墓也古之帝王未始有是劉向曰黃帝葬於橋山堯葬濟陰邱壠皆小葬具甚微舜葬蒼梧二妃不從禹葬會稽不改其列文武周公葬於畢皆無邱壠之處雖然此僅言薄葬耳而經傳咸無帝王自營墳墓之文考之儀禮自始死小斂大斂殯奠後始記筮宅然則筮宅蓋生者之事也或曰事不預定而取辦於倉卒可乎曰古之葬與今異冢人掌公墓之地辨其兆域而爲之圖先王之葬居中以昭穆爲左右若文王葬於畢則子孫皆就而葬之文王居中武王爲昭居左成王爲穆居右則兆域之列固有定序下至公卿大夫皆以爵列爲邱封之度雖萬民墓地亦墓大夫掌之蓋自天子以至庶人未有不族葬而序列者故兆域既有定序邱封亦有定制非如後世有某山某

水之說則取辦於殯斂殷奠之後乃人情事理之當然闔閭秦惠文等五王始大作邱壠多其瘞藏至秦政自爲驪山用吏徒數十萬人曠日十年上崇山墳下錮三泉其高五十餘丈周回五里餘石槨爲游觀人膏爲燈燭水銀爲江海黃金爲鳧雁被以珠玉飾以翡翠中成游觀上成山陵慮人之窺伺也則爲機械之變以射穿掘之人慮爲機者之泄也則生葬工匠慮無與其樂也則多殺宮人實之曾未幾何外被項籍之災內罹牧豎之禍然則徒役數十萬祇以自戮其尸焉耳矣由是而後襲爲故常漢之陵與廟率是人主自爲之

漢太上皇陵

漢書高祖十年秋七月癸卯太上皇崩葬萬年赦櫟



陽囚死罪以下

臣瓚曰萬年陵在櫟陽縣界故特赦之

漢舊儀太上皇萬年邑千戶徙天下民貲三百萬以上與田宅守陵

三輔黃圖高帝葬太上皇於櫟陽北原因置萬年縣於櫟陽大城內以為奉陵邑其陵在東者太上皇西昭靈后也

雍錄漢太上皇陵在櫟陽縣東北二十五里元和志同

高祖長陵

漢書十二年夏四月甲辰帝崩于長樂宮丁未發喪

五月丙寅葬長陵臣瓚曰自劬至葬凡二十三日陵在長安北四十里

漢舊儀漢興立都長安徙齊田楚昭屈景及諸功臣家於長陵後世世徙吏二千石高貲富人及豪傑兼併之家於諸陵長陵邑萬戶奉常屬官有諸廟寢園

令長丞東園近令丞主作陵內器物又有園郎寢郎故事近臣皆隨陵為園郎園中各有寢便殿日祭於寢月祭於廟時祭於便殿寢日四上食丞相以四時行園

三輔黃圖高祖長陵在渭水北去長安城三十五里案高祖本紀十二年四月甲辰崩于長樂宮五月葬長陵長陵山東西各一百二十步高十三丈長陵城周七里百八十步因為殿垣門四出及便殿掖庭諸官寺皆在中

呂后陵在高祖陵東案史記外戚世家高后合葬長陵注云漢帝后同塋則為合葬不合陵也

水經注故渠又東逕長陵南亦曰長山也元和郡縣志漢長陵在咸陽縣東三十里高帝陵也



三輔黃圖文帝母薄姬南陵在霸陵南故曰南陵今即所謂薄陵也

雍錄薄后不祔高帝陵而葬於文帝陵東南二十里亦仍霸陵之名故加南以別之是為南霸陵也

### 惠帝安陵

漢書七年秋八月戊寅帝崩於未央宮九月辛丑葬安陵臣瓚曰自崩至葬凡二十有四日

三輔黃圖安陵去長陵十里在長安城北三十五里有果園鹿苑

水經注故渠又逕惠帝安陵南陵北有安陵縣故城元和郡縣志安陵漢惠帝陵也在咸陽東北二十里漢外戚傳孝惠張皇后孝文後元年薨葬安陵不起墳

### 文帝霸陵

漢書本紀後七年夏六月己亥帝崩于未央宮遺詔霸陵山川因其故無有所改應劭曰因山為藏不復起墳山下川流不遏絕就其水名為陵號

令中尉亞夫為車騎將軍屬國悍為將屯將軍郎中令張武為復土將軍師古曰穿廣出上下棺也已發近縣卒萬而高芝即以為墳故云復土

六千人發內史卒萬五千人藏郭穿復土屬將軍武乙巳葬霸陵師古曰自崩至葬凡七日也

張釋之傳釋之為中郎將從行至霸陵上居外臨廁時慎夫人從上指視慎夫人新豐道曰此走邯鄲道也使慎夫人鼓瑟上自倚瑟而歌意悽愴悲懷顧謂羣臣曰嗟乎以北山石為椁用紵絮斷陳漆其間豈可動哉左右皆曰善釋之前曰使其中有可欲雖錮南山猶有隙使其中亡可欲雖亡石椁又何戚焉文



帝稱善

三輔黃圖霸陵在長安城東七十里

水經注霸水左合滄水歷白鹿原東是謂之霸上漢文帝葬其上謂之霸陵上有四出道以馮水在長安東南三十里故王仲宣賦詩云南登霸陵岸回首望長安是也

元和郡縣志白鹿原在萬年縣東二十里亦謂之霸上漢文帝葬焉

雍錄文帝嘗欲馳車下霸西峻坂因袁盎諫而止卽白鹿原之西坡也帝樂其地遂卽霸上立陵以爲霸陵後又置縣是爲霸陵縣也

野客叢談漢文帝遺詔霸陵山川因其故無有所改示從儉也班固贊帝治霸陵皆瓦器不得以金銀銅

錫爲飾因其山不起墳劉向亦曰文帝去墳薄葬以儉安神可謂知矣觀晉索綝傳杜見後不能無疑武帝多

藏金錢財物已見於貢禹所陳宣帝不得而知然以貢禹杜陵宮人數百之言推之恐亦未免惟文帝平生節儉人無閒言臨終遺至薄之制微至銅錫不以爲飾炳然載於史冊以薄送終考晉愍帝紀建興二年盜發霸杜陵及薄太后陵金玉綵帛不可勝計敕收其餘以實內庫可驗畜積之多也是文帝之陵果不免矣然而沈炯賦曰咄嗟驪山之阜惆悵霸陵之原文若儉而無隙羸發掘其何言鮑溶詩曰儉風本自張廷尉霸陵一代無毀發白居易詩亦曰驪山腳下秦皇墓一朝盜掘墳陵破可憐寶玉歸人間暫借泉中買身禍奢者狼狽儉者存一凶一吉在眼前憑



君回首向南望漢文高葬霸陵原如炯白等所言則霸陵初未嘗發也不知前說何紛紛如此

乾學案沈鮑諸詠謂霸陵初未嘗發不過以魏文帝終制有霸陵之完功在釋之一語耳其實至晉始發詞人不核實如此

漢外戚傳孝文竇皇后建元六年崩合葬霸陵

### 景帝陽陵

漢書五年春正月作陽陵邑張晏曰帝作壽陵起邑夏募民徙陽陵

後三年春正月甲子帝崩于未央宮二月癸酉葬陽陵

臣瓚曰自崩及葬凡十日

三輔黃圖陽陵在長安城東北四十五里山方百二十步高十丈

元和郡縣志陽陵景帝陵也在咸陽縣東四十里

漢舊儀安陵霸陵陽陵邑各萬戶徙民與長陵等

漢外戚傳孝景薄皇后立六年廢廢後四年薨葬長

安城東平望亭南○王皇后元朔三年崩合葬陽陵

### 武帝茂陵

漢書建元二年夏四月初置茂陵邑師古曰本槐里縣之茂鄉故曰茂陵後

元二年二月丁卯帝崩于五柞宮入殯于未央宮前

殿三月甲申葬茂陵臣瓚曰自崩至葬凡十八日

漢舊儀每天子即位明年將作大匠營陵地用地七頃方中用地一頃深十三丈堂壇高三丈墳高十二丈武帝墳高二十丈明中高一丈七尺四周二丈內梓棺柏黃腸題湊以次百官藏畢其設四通羨門容大車六馬皆藏之內方外陟車右外方立先閉劍戶戶設夜龍莫邪劍伏弩設伏火以營陵餘地為四圍



后陵餘地為僖仔以下次賜親屬功臣

三輔黃圖茂陵在長安城西北八十里周圍三里三

輔舊事云武帝於槐里茂鄉徙戶一萬六千一作六萬二千置

茂陵高一十四丈一百步茂陵園有鶴觀

乾學案鶴觀孝元紀作白鶴館

水經注茂陵故槐里之茂鄉也應劭曰武帝自為陵

在長安西北八十餘里

元和郡縣志茂陵在興平縣東北十七里武帝陵也

守陵灑樹埽除凡五千人

文獻通考漢法天子即位一年而為陵天下貢賦三

分之一供宗廟一供賓客一供山陵武帝歷年久長

比崩陵中至不復容物由霍光闇於大體奢侈過度

也

漢書衛皇后遭巫蠱事起收璽綬自殺盛以小棺瘞

之城南桐柏宣帝立乃改葬追諡曰思后置園邑三

百家長丞周衛奉守焉師古曰葬在杜門外大道東以倡優雜伎

城內金城坊西北隅李夫人蚤卒上憐閔焉圖畫其形於甘泉宮

及衛思后廢後四年武帝崩大將軍霍光緣上雅意

以李夫人配食追上尊號曰孝武皇后

三輔黃圖李夫人墓東西五十步南北六十步高八

丈在茂陵西北一里俗名英陵亦云集仙臺一曰高三丈周回

六百六十步

漢書鉤弋趙婕妤昭帝母也從幸甘泉有過見譴以

憂死因葬雲陽師古曰在甘泉宮南今土人呼為女陵昭帝即位追尊為皇太

后發卒二萬人起雲陵邑二千戶

昭帝平陵



漢書元平元年夏四月癸未帝崩于未央宮六月壬申葬于平陵臣瓚曰自崩至葬凡四十九日

三輔黃圖平陵在長安西北七十里去茂陵十里帝初作壽陵合流水而已石椁一丈二尺長二丈五尺無得起墳陵東北作廡長三丈五步外為小厨裁足祠祝萬年之後埽地而祭

雍錄昭帝平陵在咸陽西北二十里漢書上官皇后建昭二年崩合葬平陵

### 宣帝杜陵

漢書黃龍元年十二月甲戌帝崩于未央宮元帝初元元年春正月辛丑葬杜陵臣瓚曰自崩至葬凡二十八日漢舊儀茂陵平陵杜陵邑皆取二千石將相守陵故三陵多貴皆三萬戶至五萬戶

貢禹傳元帝初貢禹奏言武帝多取好女至數千人以填後宮及棄天下昭帝幼弱霍光專事不知禮正妄多藏金銀財物鳥獸魚鼈牛馬虎豹生禽凡百九十物盡瘞藏之又皆以後宮女置於園陵大失禮逆天心又未必稱武帝意也昭帝晏駕光復行之至孝宣皇帝時羣臣亦隨故事使天下承化眾庶葬埋皆虛地上以實地下其過自上生皆在大臣循故事之舉也惟陛下深察古道從其儉者諸陵園女亡子者宜悉遣天子納善其忠

三輔黃圖杜陵在長城南帝在民間時好游鄠杜間故葬此

水經注元帝初元元年葬宣帝杜陵北去長安五十里



元和郡縣志杜陵在萬年縣東南二十里漢宣帝陵也

雍錄宣帝杜陵在長安東南二十里

晉書愍帝時三秦人尹桓解武等數千家盜發漢霸杜二陵多獲珍寶帝問驃騎大將軍索綝曰漢陵中物何乃多邪綝對曰漢天子即位一年而為陵天下貢賦三分之一供宗廟一供賓客一充山陵漢武帝享年久長比崩而茂陵不復容物其樹皆已可拱赤眉取陵中物不能減半於今猶有朽帛委積珠玉未盡此二陵是儉者耳亦百世之誠也

漢書許皇后元帝母也立三年而崩諡曰恭哀皇后

葬杜南是謂杜陵南園師古曰即今所謂小陵者去杜陵十八里○霍皇后大

司馬大將軍博陸侯光女也立五年廢處昭臺宮後

十二歲徙雲林館迺自殺葬昆吾亭東師古曰在藍田○霍皇

后廢立王婕妤為皇后立十六年宣帝崩元帝即位

為皇太后成帝即位為太皇太后成帝母亦姓王氏

故世號太皇太后為邛成太后永始元年崩合葬杜

陵稱東園師古曰雖同坐光而別為墳王后陵次宣帝陵東故曰東園也

### 元帝渭陵

漢書永光四年冬十月乙丑諸陵分屬三輔以渭城

壽陵亭部原上為初陵服虔曰元帝所置陵也未有名故曰初詔曰安土重遷

黎民之性骨肉相附人情所願也頃者有司緣臣子

之義奏徙郡國民以奉園陵令百姓遠棄先祖墳墓

破業失產親戚別離人懷思慕之心家有不安之意

是以東垂被虛耗之害關中有無聊之民非久長之

策也詩不云乎民亦勞止迄可小康惠此中國以綏



四方今所為初陵者勿置縣邑使天下咸安土樂業  
亡有動搖之心布告天下令明知之竟甯元年五月  
壬辰帝崩于未央宮秋七月丙戌葬渭陵臣瓚曰自崩至  
葬凡五十五日  
皇覽漢家之葬方中百步已穿築為方城其中開四  
門四通足放六馬然後錯運雜物扞漆繒綺金寶米  
穀及埋車馬虎豹禽獸發近郡卒徒置將軍尉侯以  
後宮貴幸者皆守園陵元帝葬乃不用車馬禽獸等  
物

乾學案漢之諸陵皆徙民置邑勞苦萬姓至  
元帝始惻然罷之後遂以為永制亦可謂仁  
人之用心矣

三輔黃圖渭陵在長安北五十六里  
水經注故渠又東逕渭陵元帝永光四年以渭城壽

陵亭原上為初陵詔不立縣邑元壽元年傅后崩合  
葬渭陵潘岳關中記漢帝后同陵則為合葬不共陵  
也渭陵非謂元帝陵也蓋在渭水之南故曰渭陵  
元和郡縣志渭陵元帝陵也在咸陽縣西北七里  
漢書孝元皇后王莽之姑也建國五年二月癸丑崩  
三月乙酉合葬渭陵○傅昭儀哀帝祖母也元壽元  
年崩合葬渭陵稱孝元傅皇后云

### 成帝延陵

漢書本紀永始元年秋七月詔曰朕執德不固謀不  
盡下過聽將作大匠萬年言昌陵三年可成作治五  
年中陵司馬殿門內尚未加功天下虛耗百姓罷勞  
客土疏惡終不可成朕惟其難怛然傷心夫過而不  
改是謂過矣其罷昌陵及故陵勿徙吏民令天下毋



有動搖之心

陳湯傳初湯與將作大匠解萬年相善自元帝時渭陵不復徙民起邑成帝起初陵數年後樂霸陵曲亭南更營之萬年與湯議以爲武帝時工楊光以所作數可意自致將作大匠及大司農中丞耿壽昌造杜陵賜爵關內侯將作大匠乘馬延年以勞苦秩中二千石今作初陵而營起邑居成大功萬年亦當蒙重賞子公妻家在長安湯字子公兒子生長長安不樂東方宜求徙可得賜田宅俱善湯心利之卽上封事言初陵京師之地最爲肥美可立一縣天下民不徙諸陵三十餘歲矣關東富人益眾多規良田役使貧民可徙初陵以強京師衰弱諸侯又使中家以下得均貧富湯願與妻子家屬徙初陵爲天下先於是天子從其

計果起昌陵邑後徙內郡國民萬年自詭三年可成後卒不就羣臣多言其不便者下有司議皆曰昌陵因卑爲高積土爲山度便房猶在平地上客土之中不保幽冥之靈淺外不固卒徒工庸以鉅萬數至難脂火夜作取土東山且與穀同賈作治數年天下徧被其勞國家罷敝府藏空虛下至眾庶熬熬苦之故陵因天性據眞土處勢高敞旁近祖考前又已有十年功緒宜還復故陵勿徙民上迺下詔罷昌陵漢書本紀二年十二月詔曰前將作大匠萬年知昌陵卑下不可爲萬歲居奏請營作建置郭邑妄爲巧詐積土增高多賦斂繇役興卒暴之作卒徒蒙辜死者連屬百姓罷極天下匱竭常侍閱前爲大司農中丞數奏昌陵不可成侍中衛尉長數白宜蚤止徙家



反故處朕以長言下閔章公卿議者皆合長計首建  
至策閔典主省大費民以康甯閔前賜爵關內侯黃  
金百斤其賜長爵關內侯食邑千戶閔五百戶萬年  
佞邪不忠毒流眾庶海內怨望至今不息雖蒙赦令  
不宜居京師其徙萬年敦煌郡  
劉向傳營起昌陵數年不成復還歸延陵制度泰奢  
向上疏諫曰臣聞易曰安不忘危存不忘亡是以身  
安而國家可保也故賢聖之君博觀終始窮極事情  
而是非分明王者必通三統明天命所授者博非獨  
一姓也孔子論詩至於殷士膚敏裸將于京喟然歎  
曰大哉天命善不可不傳於子孫是以富貴無常不  
如是則王公其何以戒慎民萌河以勸勉蓋傷微子  
之事周而痛殷之亡也雖有堯舜之聖不能化丹朱

之子雖有禹湯之德不能訓末孫之桀紂自古及今  
未有不亡之國也昔高皇帝既滅秦將都雒陽感寤  
劉敬之言自以德不及周而賢於秦遂徙都關中依  
周之德因秦之阻世之長短以德爲效故常戰栗不  
敢諱亡孔子所謂富貴無常蓋謂此也孝文皇帝居  
霸陵北臨厠意悽愴悲懷顧謂羣臣曰嗟乎以北山  
石爲椁用紵絮斮陳漆其間豈可動哉張釋之進曰  
使其中有可欲雖錮南山猶有隙使其中無可欲雖  
無石椁又何感焉夫死者無終極而國家有廢興故  
釋之之言爲無窮計也孝文寤焉遂薄葬不起山墳  
易曰古之葬者厚衣之以薪藏之中野不封不樹後  
世聖人易之以棺槨棺槨之作自黃帝始黃帝葬于  
橋山堯葬濟陰邱隴皆小葬具甚微舜葬蒼梧二妃



不從禹葬會稽不改其列般湯無葬處文武周公葬于畢秦穆公葬于雍橐泉宮祈年館下樛里子葬于武庫皆無邱隴之處此聖帝明王賢君智士遠覽獨慮無窮之計也其賢臣孝子亦承命順意而薄葬之此誠奉安君父忠孝之至也夫周公武王弟也葬兄甚微孔子葬母于防稱古墓而不墳曰丘東西南北之人也不可識也為四尺墳遇雨而崩弟子修之以告孔子孔子流涕曰吾聞之古者不修墓蓋非之也延陵季子適齊而反其子死葬於贏博之間穿不及泉斂以時服封墳掩坎其高可隱而號曰骨肉歸復於土命也魂氣則無不之也夫嬴博去吳千有餘里季子不歸葬孔子往觀曰延陵季子於禮合矣故仲尼孝子而延陵慈父舜禹忠臣周公弟弟其葬君

親骨肉皆微薄矣非苟為儉誠便於體也宋桓司馬為石椁仲尼曰不如速朽秦相呂不韋集知畧之士而造春秋亦言薄葬之義皆明於事情者也逮至吳王闔閭違禮厚葬十有餘年越人發之及秦惠文武昭嚴襄五王皆大作丘隴多其瘞藏咸盡發掘暴露甚足悲也秦始皇帝葬于驪山之阿下錮三泉上崇山墳其高五十餘丈周回五里有餘石椁為游館人膏為燈燭水銀為江海黃金為鳧雁珍寶之藏機械之變棺椁之麗宮館之盛不可勝原又多殺宮人生葬工匠計以萬數天下苦其役而反之驪山之作未成而周章百萬之師至其下矣項籍燔其宮室營宇往者咸見發掘其後牧兒亡羊羊入其鑿牧者持火照求羊失火燒其藏椁自古至今葬未有盛如始皇



者也數年之間外被項籍之灾內離牧豎之禍豈不  
哀哉是故德彌厚者葬彌薄知愈深者葬愈微無德  
寡知其葬愈厚邱隴彌高宮廟甚麗發掘必速由是  
觀之明暗之效葬之吉凶昭然可見矣周德既衰而  
奢侈宣王賢而中興更爲儉宮室小寢廟詩人美之  
斯干之詩是也上章道宮室之如制下章言子孫之  
眾多也及魯嚴公刻飾宗廟多築臺囿後嗣再絕春  
秋刺焉周宣如彼而昌魯秦如此而絕是則奢侈之  
得失也陛下卽位躬親節儉始營初陵其制約小天  
下莫不稱賢明及徙昌陵增埤爲高積土爲山發民  
墳墓積以萬數營起邑居期日迫卒功費大萬百餘  
死者恨於下生者愁於上怨氣感動陰陽因之以饑  
饉物故流離以十萬數臣甚懼焉以死者爲有知發

人之墓其害多矣若其無知又安用大謀之賢知則  
不說以示眾庶則苦之若苟以說愚夫淫侈之人又  
何爲哉陛下仁慈篤美甚厚聰明疏達蓋世宜弘漢  
家之德崇劉氏之美光昭五帝三王而顧與暴秦亂  
君競爲奢侈比方邱隴說愚夫之目隆一時之觀違  
賢知之心亡萬世之安臣竊爲陛下羞之唯陛下上  
覽明聖黃帝堯舜禹湯文武周公仲尼之制下觀賢  
知穆公延陵樛里張釋之之意孝文皇帝去墳薄葬  
以儉安神可以爲則秦昭始皇增山厚臧以侈生害  
足以爲戒初陵之撫宜從公卿大臣之議以息眾庶  
書奏上甚感向言而不能從其計

漢書本紀綏和二年三月丙戌帝崩于未央宮四月  
己卯葬延陵

臣瓚曰自崩至  
葬凡五十四日



三輔黃圖延陵在扶風去長安六十二里一日武帝於霸陵北步昌亭起

壽陵即武帝之廢陵也

水經注故渠東逕成帝延陵南

元和郡縣志延陵成帝陵也在咸陽縣西北十三里漢書孝成許皇后立十四年而廢在昭臺歲餘還徙長定宮賜藥自殺葬延陵交道廢西○班婕妤成帝崩充奉園陵薨因葬園中

### 哀帝義陵

漢書建平二年七月以渭城西北原上永陵亭部為初陵勿徙郡國民使得自安元壽二年六月戊午帝崩于未央宮秋九月壬寅葬義陵臣瓚曰自崩至葬凡百五日○平帝元始元年詔義陵民家不妨殿中者勿發師古曰殿中謂殿中象正殿處三輔黃圖哀帝義陵在扶風渭城西北原上去長安

四十六里

水經注故渠又東逕哀帝義陵南

元和郡縣志義陵哀帝陵也在咸陽縣西北八里平帝康陵

漢書元始五年冬十二月丙午帝崩于未央宮葬康陵

三輔黃圖康陵在長安北六十里興平原口

水經注延陵之東北五里即平帝之康陵阪也

元和郡縣志康陵平帝陵也在咸陽縣西北九里

西京雜記漢諸陵寢殿皆以竹為簾皆為水紋及龍鳳之像



讀禮通考卷第八十八

讀禮通考卷第八十九

經筵講官禮部侍郎兼翰林院學士 蔡魯書 大清會典一統志 總裁明史 總裁徐學

葬考八

山陵二

東漢章陵

後漢書城陽恭王傳建武二年以皇祖皇考墓為昌陵置陵令守視後改為章陵因以春陵為章陵縣

蔡邕獨斷世祖父南頓令曰皇考祖鉅鹿都尉曰皇祖

世祖原陵

後漢書本紀建武二十六年春正月初作壽陵注初作陵未有

各故號壽陵蓋取久長之義 將作大匠竇融上言園陵廣表無慮所用

帝曰古者帝王之葬皆陶人瓦器木車茅馬使後世



之人不知其處太宗識終始之義景帝能述遵孝道  
遭天下反覆而霸陵獨完受其福豈不美哉今所制  
地不過二三頃無為山陵陂池裁令流水而已中元  
二年二月帝崩于南宮前殿三月丁卯葬原陵  
帝王世紀原陵方三百二十步高六丈在臨平亭東  
南去洛陽十五里

文獻通考山方三百二十三步高六丈六尺垣四出  
司馬門寢殿鍾虞皆在周垣內提封田十二頃五十  
七畝八十五步

後漢書光烈陰皇后崩合葬原陵

明帝顯節陵

後漢書永平十八年秋八月壬子帝崩于東宮前殿  
遺詔無起寢廟初作壽陵制令流水而已石槨廣一

丈二尺長二丈五尺無得起墳萬年之後埽地而祭  
杆水脯糒而已過百日唯四時設奠置吏卒數人供  
給灑埽勿開脩道敢有所興作者以擅議宗廟法從

事

注擅議宗廟者棄市

王戊葬顯節陵

東觀漢紀陵東北作廡長三丈五步外為小厨財足

祠祀

帝王世紀顯節陵方三百步高八丈其地故富壽亭  
也西北去洛陽三十七里

文獻通考山方三百步高八尺無周垣為行馬四出  
在殿北提封田七十四頃五畝

東平王傳帝

章帝也

欲為原陵顯節陵起縣邑蒼聞之遽

上疏諫曰伏聞當為二陵起立郭邑竊見光武皇帝  
躬履儉約之行深覩始終之分勤勤懇懇以葬制為



言故營建陵地具稱古典詔曰無為山陵陂池裁令  
流水而已孝明皇帝大孝無違奉承貫行至於自所  
營創尤為儉省謙德之美於斯為盛臣愚以園邑之  
興始自彊秦古者邱隴且不欲其著明豈況築郭邑  
建都郭哉上違先帝聖心下造無益之功虛費國用  
動搖百姓非所以致和氣祈豐年也又以吉凶俗數  
言之亦不欲無故繕脩邱墓有所興起考之古法則  
不合稽之時宜則違人求之吉凶復未見其福陛下  
履有虞之至性追祖禰之深思然懼左右過議以累  
聖心臣蒼誠傷二帝純德之美不暢於無窮也帝從  
而止

後漢皇后紀明德馬皇后崩合葬顯節陵  
章帝敬陵

後漢書章和二年春正月壬辰帝崩于章德前殿遺  
詔無起寢廟一如先帝法制三月癸卯葬敬陵

帝王世紀在洛陽城東南去洛陽三十九里

伏侯古今注陵周三百里高六丈二尺

文獻通考山方三百步高六丈二尺無周垣為行馬  
四出司馬門石殿鍾虞在行馬內寢殿園省在東園  
寺吏舍在殿北提封田二十五頃五十五畝

後漢皇后紀章德寶皇后合葬敬陵

獨斷章帝宋貴人曰敬隱后葬北陵安帝祖母也梁  
貴人曰恭懷后葬西陵和帝母也

和帝慎陵

後漢書元興元年冬十二月辛未帝崩于章德前殿  
殤帝延平元年三月甲申葬慎陵



帝王世紀在洛陽東南三十里

文獻通考山方三百八十步高十丈無周垣為行馬四出司馬門石殿鍾虞在行馬內寢殿圍省在東園寺吏舍在殿北提封田三十一頃二十畝二百步

後漢皇后紀陰皇后葬臨平亭部○和熹鄧皇后合葬順陵章懷太子注帝紀慎陵俗本作順者誤

乾學案解犢侯莨生靈帝其陵曰慎陵不應與和帝復出疑鄧皇后紀作順陵者非悞也

殤帝康陵

後漢書延平元年八月辛亥帝崩癸丑殯于崇德前

殿九月丙寅葬康陵注陵在慎陵塋中庚地

帝王世紀高五丈四尺去洛陽四十八里

文獻通考山周二百八步高五丈五尺行馬四出司

馬門寢殿鍾虞在行馬中因寢殿為廟園吏寺舍在殿北提封田十三頃十九畝二百五十步

獨斷以陵寢為廟者三殤帝康陵冲帝懷陵質帝靜陵是也

安帝恭陵

後漢書延光四年三月丁卯幸葉帝崩于乘輿庚午還宮辛未夕乃發喪夏四月己酉葬恭陵注在今洛陽東北二十七里

伏侯古今注陵山周二百六十丈高十五丈

帝王世紀高十一丈在洛陽西北去洛陽十五里

文獻通考山周二百六十步高十五丈無周垣為行

馬四出司馬門石殿鍾虞在行馬內寢殿圍吏寺舍

在殿北提封田一十四頃五十六畝

後漢皇后紀安思閔皇后合葬恭陵○順帝母李氏



瘞在洛陽城北帝初不知及太后崩左右白之帝感  
悟發哀親到瘞所更以禮殯上尊諡曰恭愍皇后葬

恭北陵

注在恭陵之北漢官儀曰置陵  
園令食監各一八秩皆六百石

獨斷安帝李貴人曰恭愍后葬北陵順帝母也

順帝憲陵

後漢書建康元年八月帝崩于玉堂前殿遺詔無起  
寢廟九月丙午葬憲陵

帝王世紀在洛陽西北去洛陽十五里

文獻通考山方三百步高八丈四尺無周垣為行馬  
四出司馬門石殿鍾虞在司馬門內寢殿圍省寺吏  
舍在殿東提封田十八頃十九畝三十步

後漢皇后紀順烈梁皇后合葬憲陵

沖帝懷陵

後漢書永嘉元年春正月戊戌帝崩于玉堂前殿已  
未葬懷陵

帝王世紀西北去洛陽十五里

伏侯古今注高四丈六尺周百八十三步

文獻通考山方百八十三步高四丈六尺為寢殿行

馬四出門園寺吏舍在殿東提封田五頃八十畝

李固傳沖帝崩將北下山陵固乃議曰今處處寇賊

軍興用費加倍新創憲陵賦發非一帝尚幼小可起

陵於憲陵塋內依康陵制度其於役費三分減一乃

從固議

質帝靜陵

後漢書本初元年閏月閏六月也甲申大將軍梁冀潛行鳩

弑帝崩于玉堂前殿秋七月乙卯葬靜陵注在洛陽東  
南三十里



帝王世紀在洛陽東去洛陽三十二里  
文獻通考山方百三十八步高五丈五尺為行馬四  
出門寢殿鍾虞在行馬中園寺吏舍在殿北提封田  
十二頃五十四畝因寢為廟

### 桓帝宣陵

後漢書永康元年十二月丁丑帝崩于德陽前殿靈  
帝建甯元年二月辛酉葬宣陵

帝王世紀山方二百步高十二丈在洛陽東南去洛  
陽三十里

後漢皇后紀懿獻梁皇后延熹二年葬懿陵其歲誅  
梁冀廢懿陵為貴人家○鄧皇后葬北邙○桓思竇  
皇后合葬宣陵

### 靈帝文陵

後漢書中平六年夏四月丙辰帝崩于南宮嘉德殿  
六月辛酉葬文陵

帝王世紀山方三百步高十二丈在洛陽西北去洛  
陽三十里

太平寰宇記靈帝陵在河清縣東南三十里

後漢書皇后紀宋皇后光和元年以憂死諸常侍憐  
后無辜共合錢物收葬歸宋氏舊塋皋門亭○靈思  
何皇后合葬文昭陵○王美人生皇子協興平元年  
追尊為靈懷皇后改葬文昭陵

### 獻帝禪陵

後漢書帝遜位魏王丕稱天子奉帝為山陽公魏青  
龍二年薨八月壬申以漢天子禮儀葬于禪陵置園  
邑令丞



獻帝傳明帝命司徒司空持節弔祭護喪光祿大鴻臚為副將作大匠復土將軍營成陵墓及置百官羣吏車旂服章喪葬禮儀一如漢氏故事  
帝王世紀禪陵在濁鹿城西北十里在今懷州修武縣北二十五里陵高二丈周圍二百步  
劉澄之地記以漢禪魏故以名焉  
後漢皇后紀獻穆曹皇后魏公操之中女也景初元年薨合葬禪陵

先主惠陵

蜀志章武三年夏四月癸巳先主殂于永安宮五月梓宮自永安還成都秋八月葬惠陵華陽國志同○甘皇后卒葬南郡追諡皇思夫人遷葬于蜀未至而先主殂丞相亮案諡法宜曰昭烈皇后與大行皇帝合葬制

後主

曰可與太常丞賴恭等議○穆皇后延熙八年薨合葬惠陵  
蜀志後主以太始七年薨于洛陽○敬哀皇后車騎將軍張飛長女也葬南陵

附 戾園 悼園

漢書衛皇后生戾太子納史良娣巫蠱事起太子之亡也東至湖臧匿泉鳩里師古曰湖縣各今號州湖城二縣皆其地也太子有故人在湖使人呼之而發覺吏圍捕太子太子自經後憐太子無辜乃作思子宮為歸來望思之臺於湖史良娣葬長安城南史皇孫皇孫如王夫人葬廣明皇孫二人隨太子者與太子并葬湖宣帝即位詔曰故皇太子在湖未有號諡歲時祠其議諡置園邑有司奏故皇太子起位在湖史良娣冢在博望苑北親史



文類曰位家位也親諡宜曰悼皇母

曰悼后比諸侯王園置奉邑三百家故皇太子諡曰

戾置奉邑二百家史良娣曰戾夫人置守冢三十家

園置長丞周衛奉守如法以湖園鄉邪里聚為戾園

長安白亭東為戾后園廣明成鄉為悼園皆改葬焉

後八歲有司復言禮父為士子為天子祭以天子悼

園宜稱尊號曰皇考立廟因園為寢以時薦享焉益

奉園民滿千六百家以為奉明縣尊戾夫人曰戾后

置園奉邑及益戾園各滿三百家

師古曰泉鳩水今在閩縣東南十五里見有戾太子冢冢在

閩東也太平寰宇記閩鄉縣本漢湖縣戾園之地太子園陵

存焉在縣南一十六里高一百五十尺

恭皇園

漢書建平二年六月帝太后丁氏崩上曰朕聞夫婦

一體詩曰穀則異室死則同穴附葬之禮自周興焉

郁郁乎文哉吾從周孝子事亡如事存帝太后宜起

陵恭皇之園遂葬定陶發陳留濟陰近郡國五萬人

穿復土

水經注濟水又東北逕定陶恭王陵南漢哀帝父也

帝即位母丁太后崩上曰宜起陵恭王之園送葬定

陶王莽秉政貶號丁姬開其槨戶火出炎四五丈吏

卒以水沃滅乃得入燒燔槨中器物掘平其王母傅

太后墳及丁姬冢周棘其處時有羣燕數千銜土投

於丁姬冢中今其墳冢巍然尚秀隅阿相承列郭數

周面開重門南門內夾道有崩碑二所世尚謂之丁

昭儀墓又謂之長隧陵蓋所毀者傅太后陵耳濱南



魏郡治也世謂之左城亦名之曰葬城蓋恭王之陵寢也

甘陵

水經注漢安帝父孝德皇以太子被廢為王薨於此乃葬其地尊陵曰甘陵桓帝建和元年改曰甘陵縣是周之甘泉匝地也陵在濱北邱墳高巨雖中經發壞猶若層陵矣

後漢書建光元年有司上言清河孝王至德涓懿載育明聖承天奉祚為郊廟主漢興高皇帝尊父為太上皇宣帝號父為皇考序昭穆置園邑大宗之義舊章不忘宜上尊號曰孝德皇皇妣左氏曰孝德后尊陵曰甘陵廟曰昭廟置令丞設兵車周衛比章陵樂成陵 博陵

後漢書孝桓皇帝祖父河間孝王開父蠡吾侯翼本

初元年九月追尊皇祖曰孝穆皇夫人趙氏曰孝穆

皇后考曰孝崇皇冬十月尊皇母偃氏為孝崇博園

貴人注博本漢蠡吾縣之地帝既追尊父為孝崇皇其陵曰博陵置園廟焉故曰博園在今蘇州博野縣

和平元年夏五月尊博園偃貴人曰孝崇皇后元嘉

二年夏四月甲寅孝崇皇后偃氏崩五月辛卯葬孝

崇皇后于博陵延熹元年夏六月分中山置博陵郡

以奉孝崇皇園陵

孝穆皇廟曰清廟陵曰樂成陵孝崇皇廟曰烈廟陵

曰博陵皆置令丞

敦陵 慎陵

後漢書解瀆亭侯淑以河間孝王子封淑卒子長嗣長卒子宏嗣為大將軍竇武所立是為靈帝建甯元



年追尊皇祖淑為孝元皇夫人夏氏曰孝元后陵曰敦陵廟曰靖廟皇考長為孝仁皇夫人董氏為慎園貴人陵曰慎陵廟曰貞廟皆置令丞

### 魏武帝高陵

魏志建安二十三年六月令曰古之葬者必居瘠薄之地其規西門豹祠西原上為壽陵因高為墓不封不樹周禮冢人掌公墓之地凡諸侯居左右以前卿大夫居後漢制亦謂之陪陵其公卿大臣列將有功者宜陪壽陵其廣為兆域使足相容二十五年春正月庚子王崩于洛陽遺令斂以時服無藏金玉珍寶二月丁卯葬高陵

元和郡縣志魏武帝西陵在鄴縣西三十里

魏后妃傳武宣卞皇后文帝母也太和四年崩七月

### 合葬高陵

### 文帝首陽陵

魏志黃初三年冬十月甲子表首陽山東為壽陵作終制曰禮國君卽位為禋存不忘亡也昔堯葬穀林通樹之禹葬會稽農不易畝故葬於山林則合乎山林封樹之制非上古也吾無取焉壽陵因山為體無為封樹無立寢殿造園邑通神道夫葬也者藏也欲人之不得見也骨無痛痒之知冢非棲神之宅禮不墓祭欲存亡之不黷也為棺槨足以朽骨衣衾足以朽肉而已故吾營此邱墟不食之地欲使易代之後不知其處無施葦炭無藏金銀銅鐵一以瓦器合古塗車芻靈之義棺但漆際會二過飯含無以珠玉無施珠襦玉匣諸愚俗所為也季孫以與璠斂孔子歷



級而救之譬之暴骸中原宋公厚葬君子謂華元樂  
莒不臣以為棄君於惡漢文帝之不發霸陵無求也  
光武之掘原陵封樹也霸陵之完功在釋之原陵之  
掘罪在明帝是釋之忠以利君明帝愛以害親也忠  
臣孝子宜思仲尼邱明釋之之言鑒華元樂莒明帝  
之戒存於所以安君定親使魂靈萬載無危斯則賢  
聖之忠孝矣自古及今未有不亡之國亦無不掘之  
墓也喪亂以來漢氏諸陵無不發掘至乃燒取玉匣  
金縷骸骨并盡是焚如之刑也豈不重痛哉禍由乎  
厚葬封樹桑霍為我戒不亦明乎其皇后及貴人以  
下不隨王之國者有終沒皆葬澗西前又以表其處  
矣蓋舜葬蒼梧二妃不從延陵葬子遠在羸博魂而  
有靈無不之也一澗之間不足為遠若違今詔妄有

所變改造施吾為戮尸地下戮而重戮死而重死臣  
子為蔑死君父不忠不孝使死者有知將不福汝其  
以此詔藏之宗廟副在尚書祕書三府七年夏五月  
丁巳帝崩于嘉福殿六月戊寅葬首陽陵自殯及葬  
皆以終制從事

太平寰宇記魏文帝陵在偃師縣首陽山南

魏后妃傳文昭甄皇后賜死葬于鄴王沈魏書曰有司奏建

后疾篤崩于鄴帝哀痛文德郭皇后葬首陽陵西長秋宮帝璽書迎后會

明帝高平陵

魏志景初三年春正月丁亥帝崩于嘉福殿癸丑葬

高平陵

魏后妃傳明悼毛皇后葬愍陵○明元郭皇后葬高

平陵西



高貴鄉公墓

漢晉春秋丁卯葬高貴鄉公于洛陽西北三十里溼澗之濱下車數乘不設旌旄百姓擁聚而觀之曰是前日所殺天子也或掩面而泣悲不自勝薛收元經傳漢故事陵上立祭殿至魏制以謂古不墓祭自有廟設於是園邑寢殿遂廢

吳武烈帝高陵

吳志權正尊號諡堅曰武烈皇帝

吳錄尊堅廟曰始祖墓曰高陵

吳妃嬪傳吳夫人吳主權母也合葬高陵

大帝蔣陵

吳志神鳳元年夏四月權薨秋七月葬蔣陵

丹陽記蔣陵因山為名

元和郡縣志蔣陵在上元縣北二十二里

太平寰宇記吳大帝陵在上元縣東北蔣山南八里

六朝事迹今蔣子文廟相對向西有曰孫陵岡是為

蔣陵赤烏元年追拜夫人步氏為皇后後合葬蔣陵

今蔣廟西南孫陵岡上有步夫人墩墩之側有夫人

冢乃其地也

吳妃嬪傳南陽王夫人生休出居公安卒因葬焉休

即位追尊曰敬懷皇后改葬敬陵潘夫人生亮赤烏

十三年立為太子明年立夫人為皇后薨合葬蔣陵

嗣主亮墓

吳錄晉太康中吳故少府丹陽戴顓迎亮喪葬之賴

鄉

景帝定陵



吳志永安七年秋七月癸未休薨諡曰景皇帝  
吳妃嬪傳朱夫人永安五年立為皇后甘露元年七  
月薨合葬定陵

朱彝尊曰吳志不言定陵所在順治中海甯邵灣山居民穴地得隧道行數百  
步道窮有碑乃孫休陵也治銅為門門有獸環兩狻猊夾門左右堅不可入味  
發而為怨家所首蓋以土  
掩之此地志所不載也

### 文帝明陵

吳志元興元年九月追諡父和曰文皇帝

吳錄皓初尊和為昭獻皇帝俄改曰文皇帝

太平寰宇記烏程縣西陵山吳興地記云孫皓改葬  
父和於此號曰明陵卽下山之別嶺也

### 晉宣帝高原陵

晉書宣帝魏嘉平三年秋八月戊寅崩于京師九  
月庚申葬于河陰先是預作終制於首陽山為土藏

不墳不樹作顧命三篇斂以時服不設明器後終者  
不得合葬

晉后妃傳宣穆張皇后葬洛陽高原陵

### 景帝峻平陵

晉書景皇帝魏正元二年閏二月辛亥崩于許昌武  
帝受禪上尊號曰景皇帝陵曰峻平

太平寰宇記晉景帝陵在河清縣南三十里高六丈  
四尺

晉后妃傳景懷夏侯皇后青龍二年崩葬峻平陵○

景獻羊皇后咸甯四年崩耐葬峻平陵

### 文帝崇陽陵

晉書文帝咸熙二年秋八月辛卯崩于露寢九月癸  
酉葬崇陽陵



元帝太興二年正月丁卯崇陽陵毀帝素服哭三日  
晉后妃傳文明王皇后泰始四年崩合葬崇陽陵

武帝峻陽陵

晉書泰始二年冬十月丁未詔曰昔舜葬蒼梧農不  
易畝禹葬成紀市不改肆上惟祖宗清簡之旨所從  
陵十里內居人動爲煩擾一切停之太熙元年夏四  
月己酉帝崩于含章殿五月辛未葬峻陽陵  
晉后妃傳武元楊皇后泰始十年崩于明光殿葬于  
峻陽陵

惠帝太陽陵

晉書光熙元年十一月庚午帝崩于顯陽殿十二月  
己酉葬太陽陵  
元帝太興二年五月癸丑太陽陵毀帝素服哭三日

東晉元帝建平陵

晉書永昌元年閏十一月己丑帝崩于內殿太甯元  
年二月葬建平陵

建康實錄元帝陵在雞籠山之陽不起墳

元和郡縣志元帝建平陵明帝武平陵成帝興平陵  
並在上元縣北六里雞籠山

晉后妃傳元敬虞皇后永嘉六年薨太興三年冊贈  
皇后祔于太廟葬建平陵

明帝武平陵

晉書太甯三年閏八月戊子帝崩于東堂九月辛丑  
葬武平陵

建康實錄武平陵在雞籠山之陽不起墳

成帝興平陵



晉書成康八年夏六月癸巳帝崩于西堂秋七月景  
辰葬興平陵

建康實錄興平陵在雞籠山之陽與元帝同處不起  
墳

晉書本紀成康七年三月戊戌杜皇后崩夏四月丁  
卯葬恭皇后于興平陵

晉后妃傳成恭杜皇后崩帝下詔曰吉凶典儀誠宜  
備設然豐約之度亦當隨時况重壤之下而崇飾無  
用邪今山陵之事一從節儉陵中惟潔埽而已

### 康帝崇平陵

晉書建元二年九月戊戌帝崩于式乾殿冬十月乙

丑葬崇平陵

建康實錄崇平陵隸鍾山之陽不起墳

元和郡縣志崇平陵在上元縣東北二十里蔣山西  
南

### 穆帝永平陵

晉書升平五年五月丁巳帝崩于顯陽殿秋七月戊  
午葬永平陵

江道傳穆帝崩山陵將用寶器道諫曰以宣皇顧命  
終制山陵不設明器以貽後則景帝奉遵遺制逮文  
明皇后崩武皇亦承前制無所施設惟脯糝之奠瓦  
器而已昔康皇帝玄宮始用寶劍金舄此蓋太妃罔  
已之情實違先旨累世之法今外欲以為故事臣請  
述先旨停此二物書奏從之

建康實錄永平陵隸幕府山之陽起墳今幕府山前  
近西里俗相傳有穆天子墳即其地也



哀帝安平陵

晉書興甯三年春二月景申帝崩于西堂三月壬申葬安平陵

建康實錄安平陵隸雞籠山之陽不起墳

元和郡縣志安平陵在上元縣北六里雞籠山陽

廢帝吳陵

晉書后妃傳廢帝孝庾皇后太和六年崩葬于敬平陵帝廢為海西公太元九年海西公薨于吳又以后合葬于吳陵

簡文帝高平陵

晉書咸安二年秋七月乙未帝崩于東堂冬十月丁卯葬高平陵

建康實錄高平陵在鍾山之陽不起墳

元和郡縣志簡文帝高平陵孝武帝隆平陵安帝休平陵恭帝沖平陵並在上元縣東北二十里蔣山西南

晉后妃傳簡文順王皇后永和四年薨孝武帝即位追尊曰順皇后合葬高平陵

孝武帝隆平陵

晉書太元二十一年秋九月庚申帝崩于清暑殿冬十月甲申葬隆平陵

建康實錄隆平陵在鍾山之陽不起墳

晉后妃傳孝武定王皇后太元五年崩葬隆平陵

安帝休平陵

晉書義熙十四年十二月戊寅帝崩于東堂元熙元年春正月庚申葬休平陵



建康實錄休平陵在鍾山之陽不起墳  
晉后妃傳安僖王皇后義熙八年崩于徽音殿葬休平陵

恭帝冲平陵

晉書元熙二年夏六月禪位居于秣陵宋永初二年九月丁卯弒于內房葬冲平陵

建康實錄冲平陵在鍾山之陽安帝同處不起墳

晉后妃傳恭思褚皇后宋元嘉十三年崩耐葬冲平陵

顯平陵

晉后妃傳謝夫人生愍懷太子拜為淑媛被害永康初詔贈夫人印綬葬顯平陵

愍懷太子傳愍懷太子適惠帝長子惠帝即位立為

皇太子元康九年廢為庶人賈后使黃門孫慮以藥杵椎殺之賈庶人死冊復太子葬于顯平陵

嘉平陵

晉后妃傳簡文宣鄭太后生簡文帝咸和元年薨簡文帝即位未及追尊太元十九年孝武帝上太妃尊號曰簡文太后立廟於太廟路西陵曰嘉平

脩平陵

晉后妃傳孝武文李太后生孝武帝太元十九年尊為皇太后安帝即位尊為太皇太后隆安四年崩葬脩平陵

熙平陵

晉后妃傳安德陳太后生安恭二帝太元十五年薨追崇曰皇太后陵曰熙平



前趙永光陵

晉載記劉元海以永嘉四年死偽諡光文皇帝墓號永光陵

十六國春秋劉淵僭即皇帝位河瑞元年薨于光極殿九月葬永光陵

宣光陵

十六國春秋聰薨于建始殿葬宣光陵諡曰昭武皇帝

後趙高平陵

晉載記石勒以咸和七年死夜瘞山谷莫知其所備文物虛葬號高平陵

顯原陵

晉載記石季龍偽諡武皇帝號其墓為顯原陵

前燕龍平陵

十六國春秋慕容皝薨于承乾殿葬龍山僞追尊曰文明皇帝陵曰龍平

龍陵

晉載記升平四年慕容儁死偽諡景昭皇帝墓號龍陵

後燕宣平陵

晉載記慕容垂以太元二十一年死偽諡成武皇帝墓曰宣平陵

興平陵

晉載記慕容盛死偽諡昭武皇帝墓號興平陵是歲隆安五年也

衡平陵



十六國春秋慕容熙葬衝平陵諡曰昭文皇帝

南燕東陽陵  
十六國春秋慕容德薨于顯安宮為十餘棺夜分出四門潛瘞山谷莫知其尸所在虛葬於東陽陵諡獻

武皇帝  
北燕長谷陵

十六國春秋馮跋薨葬長谷陵為諡文成皇帝  
前秦原陵

十六國春秋苻健薨于太極前殿葬原陵為諡明皇帝  
帝永興初追尊曰景明皇帝

後秦高陵  
晉載記姚弋仲卒柩為苻生所得生以王禮葬之于天水冀縣姚萇僭位追諡曰景元皇帝墓曰高陵置

園邑五百家

原陵  
晉載記姚萇以太元十八年死偽諡武昭皇帝墓稱

原陵  
偶陵

晉載記義熙十二年姚興死偽諡文桓皇帝墓曰偶陵

西秦枹罕陵  
十六國春秋乞伏乾歸敗于五谿山為兄子公府所

殺八月熾盤葬乾歸于枹罕陵偽諡武元王  
武平陵

十六國春秋乞伏熾盤葬武平陵諡文昭王  
蜀安都陵



華陽國志咸和九年六月癸亥李雄卒偽諡曰武帝  
冬十二月丙寅葬成都墓號安都陵

安昌陵

晉載記咸康八年李壽死偽諡昭文帝墓曰安昌陵  
前涼建陵

十六國春秋涼州牧張軌薨葬建陵張祚僭號追尊

武王

大陵

十六國春秋張駿薨于正德前殿葬大陵張祚僭號  
追尊文王

顯陵

十六國春秋張重華薨于平章殿葬顯陵張祚僭號  
追諡桓王

愍陵

十六國春秋張祚僭卽王位爲厨士徐里所殺天錫  
卽位備禮葬于愍陵

平陵

十六國春秋張元靖葬平陵諡沖王  
西涼建世陵

十六國春秋李暠薨于恭德殿葬建世陵諡武昭王  
元和郡縣志西涼武昭王陵在酒泉縣西十五里

後涼高陵

十六國春秋呂光薨葬高陵諡武皇帝  
白石陵

晉載記呂纂以元興元年死偽諡靈皇帝墓號白石  
陵



北涼元陵

十六國春秋沮渠蒙遜義和三年夏四月薨五月葬元陵諡武宣王

南涼西平陵

晉載記秃髮利鹿孤死葬于西平之東南

十六國春秋利鹿孤薨諡康王葬西平陵

夏嘉平陵

崔鴻三十國春秋夏錄赫連昌發二百里內民二萬五千人鑿嘉平陵七千人繕清廟于契吳初昌父勃北遊契吳昇高而嘆曰美哉斯阜臨廣澤而帶清流吾行地多矣未有若斯之美昌以勃平昔之意也故立廟焉葬勃于城西十五里起行宮模寫統萬宮殿飾以金銀珠璣葬訖焚之殺駿馬數十匹

十六國春秋赫連勃勃薨于永安殿諡武烈皇帝葬嘉平陵

乾學案十六國主乘亂僭竊葬地不足書附錄之以備考古之士稽覽五代十國倣此

宋穆帝興甯陵

宋書武帝永初元年夏六月追尊皇考為孝穆皇帝皇妣為穆皇后

元經薛氏傳宋高祖之考墓在侯山其地秦史所謂曲阿丹徒有天子氣者也

宋后妃傳孝穆趙皇后生高祖其日以產疾殂葬晉陵丹徒縣東鄉練壁里雩山宋初追崇號諡陵曰興甯○孝懿蕭皇后孝穆后姐孝皇帝娉為繼室景平元年崩于顯陽殿遺令曰孝皇背世五十餘年古不



耐葬且漢世帝后陵皆異處今可於塋域之內別爲一壙孝皇陵墳本用素門之禮與王者制度奢儉不同婦人禮有所從可一遵往式乃開別壙與興甯陵合墳

### 武帝初甯陵

宋書永初三年五月癸亥上崩于西殿秋七月己酉葬丹陽建康縣蔣山初甯陵

建康實錄初甯陵隸丹陽建康縣蔣山圖經云在縣東北二十里

元和郡縣志初甯陵在上元縣東北二十二里

### 文帝長甯陵

宋書元嘉三十年二月甲子上崩于含章殿三月癸巳葬長甯陵

圖經長甯陵隸建安縣東北二十五里與武帝陵相近今未詳所在

元和郡縣志長甯陵在上元縣東北二十二里集古錄宋文帝神道碑書太祖文皇帝之神道凡八大字而別無文辭惟以此爲表識爾古人刻碑正當如此後世鐫刻功德爵里世系惟恐不詳矣

### 孝武帝景甯陵



宋書大明八年閏五月庚申帝崩于玉燭殿秋七月丙午葬丹陽秣陵縣巖山景甯陵

元和郡縣志景甯陵在上元縣西南四十里巖山

宋后妃傳文穆皇后生廢帝崩于含章殿附葬景甯陵

宋書前廢帝何皇后與廢帝合葬龍山北

明帝高甯陵

宋書泰豫元年夏四月己亥上崩于景福殿五月戊

寅葬臨沂縣幕府山高甯陵

元和郡縣志高甯陵在上元縣北十九里幕府山東

南

六朝事迹高甯陵隸臨沂縣幕府山西與王導墳相近今山前有墳隴晉穆帝陵在山南或以西為明帝

之墓

順帝遂甯陵

宋書昇明三年四月帝禪位於齊建元元年五月己

未殂于丹陽宮六月乙酉葬于遂甯陵

熙甯陵

宋后妃傳武帝胡婕妤生文帝被譴賜死葬丹徒太

祖卽位上尊號曰章皇太后陵曰熙甯

脩甯陵

宋后妃傳文帝路淑媛生孝武帝上卽位尊號曰皇

太后太宗踐祚號崇憲太后崩諡曰昭皇太后葬世

祖陵東南號曰脩甯陵

崇甯陵

宋后妃傳文帝沈婕妤生明帝元嘉三十年卒葬建



康之幕府山太宗卽位上尊號爲皇太后諡曰宣陵  
號曰崇甯

六朝事迹今寶林寺西南有墳隴相傳爲國婆墳疑  
卽沈后所葬之地

南齊宣帝休安陵

元和郡縣志休安陵在丹陽縣北二十八里宣帝高  
帝父也建元元年十二月追尊爲宣皇帝

高帝泰安陵

南齊書建元四年三月壬戌上崩于臨光殿四月庚  
寅上諡曰太祖高皇帝奉梓宮於東府前渚升龍舟  
丙午窆武進泰安陵

元和郡縣志泰安陵在丹陽縣東三十一里

齊皇后傳高昭劉皇后宋泰豫元年殂歸葬宣帝墓

側今泰安陵也

武帝景安陵

南齊書永明十一年秋七月上不豫戊寅大漸詔曰  
我識滅之後身上著夏衣畫天衣純烏犀導應諸器  
悉不得用寶物及織成等惟裝複袂衣各一本通常  
所服身刀長短二口鐵環者隨我入梓宮陵墓萬世  
所宅意常恨休安陵未稱今可用東三處地最東邊  
以葬我名爲景安陵喪禮每存省約不須煩民是日  
崩九月丙寅葬景安陵

元和郡縣志景安陵在丹陽縣東二十二里

齊皇后傳武穆裴皇后葬休安陵

文帝崇安陵

南齊書文惠太子葬崇安陵鬱林王立追尊爲文帝



廟稱太宗

齊皇后傳文安王皇后葬崇安陵

景帝脩安陵

元和郡縣志南齊書作脩安陵在丹陽縣東北二十六里

明帝父也

海陵恭王墓

南齊書海陵恭王文惠太子第二子也延興元年秋

七月即皇帝位冬十月降封海陵王葬依東海王故

事

夢溪筆談慶厯中予在今陵養人以一方石鎮肉視

之若有鑿刻取石洗濯乃海陵王墓銘謝朓撰并書

其字如鍾繇極可愛予攜之十餘年文思副使夏元

昭借去託以墮水今不知落何處

東觀餘論海陵誌在沈翰林拓家為人借去遂亡所

在今殊難得沈云謝朓撰并書而誌但云朓立耳然

朓自以草隸名當時後人目以飛花滿目殘霞照人

此誌結字高雅必朓書也

明帝興安陵

南齊書永泰元年秋七月己酉帝崩于正福殿葬興

安陵

元和郡縣志興安陵在丹陽縣東北二十四里

齊皇后傳明敬劉皇后永明七年卒葬江乘縣張山

永泰元年高宗崩改葬耐于興安陵

和帝恭安陵

南齊書中興二年薨葬恭安陵

梁文帝建甯陵



元和郡縣志梁文帝建甯陵在丹陽縣東二十五里武帝父也

梁后妃傳太祖獻皇后張氏永泰始七年殂于秣陵縣同夏里舍葬武進縣東城里山

武帝脩陵

梁書太清三年五月丙辰高祖崩于淨居殿十一月乙卯葬于脩陵

元和郡縣志脩陵在丹陽縣東三十一里貞觀十一年詔令百步禁樵採

梁后妃傳高祖德皇后郝氏永元元年八月殂于襄陽官舍其年歸葬南徐州南東海武進縣東城里山陵曰脩陵

簡文帝莊陵

梁書大寶二年八月侯景廢太宗為晉安王幽于永福省冬十月壬寅崩明年三月王僧辯率百官奉梓宮升朝堂四月乙丑葬莊陵

元和郡縣志莊陵在丹陽縣東二十七里

梁后妃傳太宗簡皇后王氏太清三年三月薨大寶元年九月葬莊陵先是詔曰簡皇后窀穸有期昔西京霸陵因山為藏東漢壽陵流水而已朕屬值時艱歲饑民敝方欲以身率下永示敦樸今所營莊陵務存約儉

附安甯陵

梁書昭明太子統大通三年四月乙巳薨高祖幸東宮臨哭盡哀詔斂以衮冕五月庚寅葬安甯陵

陳景帝瑞陵



陳書永定元年冬十月追尊皇考曰景皇帝皇妣董太夫人曰安皇后癸未尊景帝陵曰瑞陵

武帝萬安陵

陳書永定三年六月丙午帝崩于璿璣殿秋八月丙申葬萬安陵

建康實錄陵隸縣東南古彭城驛側

元和郡縣志萬安陵在上元縣東三十八里方山西

北貞觀十一年詔百步內禁樵採

六朝事迹今縣東崇禮鄉地名陵里曰天子林其地有石麒麟二里俗相傳即陳高祖墓也去城二十五

里

陳皇后傳高祖宣皇后章氏太建二年崩耐葬萬安陵

文帝永甯陵

陳書天康元年夏四月癸酉世祖崩于有覺殿六月

丙寅葬永甯陵

元和郡縣志永甯陵在上元縣東北四十里蔣山東

北

六朝事迹陵隸縣東北陵山之南今燕門山之北

宣帝顯甯陵

陳書太建十四年春正月甲寅帝崩于宣福殿遺詔

金銀之飾不須入壙明器之具皆令用瓦二月癸巳

葬顯甯陵

元和郡縣志顯甯陵在上元縣南四十里牛頭山西

北

附 嘉陵



陳書永定元年追諡前夫人錢氏號為昭皇后陵曰嘉陵

北魏昭成帝金陵

魏書建國三十九年十一月帝不豫十二月至雲中旬有二日帝崩葬金陵營梓宮木柩盡生成林  
魏皇后傳獻明皇后賀氏生太祖皇始元年崩祔葬于盛樂金陵

道武帝金陵

魏書天賜六年冬十月戊辰帝崩于天安殿永興二年九月甲寅葬于盛樂金陵

明元帝金陵

魏書泰常八年十有一月己巳帝崩于西宮十二月庚子葬于雲中金陵

魏皇后傳密皇后杜氏生世祖太宗卽位拜貴嬪泰常五年薨諡曰密葬雲中金陵世祖卽位追尊號諡

太武帝金陵

魏書正平二年二月甲寅帝崩于永安宮三月葬于雲中金陵

魏皇后傳太武皇后赫連氏高宗初崩祔葬金陵。

敬哀皇后賀氏生恭宗神麤元年薨追贈貴嬪葬雲

中金陵後追加號諡

景穆恭皇后郁久闕氏生高宗世祖末年薨高宗卽

位追尊號諡葬雲中金陵

文成帝金陵

魏書和平六年五月癸卯帝崩于太華殿八月葬雲中之金陵



魏皇后傳元皇后李氏生顯祖拜貴人後諡曰元皇后葬金陵

獻文帝金陵

魏書皇興五年八月冊命太子踐位上尊號太上皇帝承明元年崩于永安殿葬雲中金陵

魏皇后傳思皇后李氏生高祖皇興三年薨葬金陵金陵陪葬諸臣

江夏王拓跋呂

尙安康公拓跋素

彭城公拓跋勃

長樂王拓跋處文

任城康公拓跋雲

趙郡靈王拓跋幹

隴西獻王姚黃眉

上黨定王長孫觀

藍田武侯長孫肥

平陽威王長孫翰

平陽公長孫平成

吳郡恭王長孫陳

城陽公奚烏侯

丹陽襄王叔孫建

宣城忠貞王車路頭

瑯琊貞王司馬楚之

平原簡王陸麗

隴西宣王源賀

趙郡康公羅拔

乾學案魏白昭成帝至獻文帝或葬盛樂或葬雲中統名曰金陵功臣陪葬載於國史者具書於此

孝文帝長陵

魏書太和二十三年夏四月丙午帝崩于穀塘原之行宮至魯陽發哀還京師五月丙申葬長陵

魏皇后傳孝文貞皇后林氏葬金陵○幽皇后馮氏葬長陵塋內○昭皇后高氏先葬城西長陵東南陵制卑局因就起山陵號終甯陵置邑戶五百家肅宗



遷靈櫬於長陵兆西北六十步

宣武帝景陵

魏書延昌四年春正月甲寅帝不豫丁巳崩于式乾殿二月甲午葬景陵

孝明帝定陵

魏書武泰元年二月癸丑帝崩于顯陽殿三月乙酉葬定陵

孝莊帝靜陵

魏書永安三年十有二月甲寅余朱兆遷帝于晉陽甲子崩于城內三級佛寺中興二年謚為武懷皇帝

太昌元年又謚孝莊皇帝十一月葬靜陵

後廢帝墓

魏書後廢帝殂于門下外省永熙二年葬于鄴西南

野馬岡

孝靜帝墓

魏書孝靜帝遜位於齊天保二年十二月殂三年二月葬于漳西山岡

附

永固陵

魏皇后傳文明皇后馮氏承明元年尊曰太皇太后太后與高祖遊於方山顧瞻川阜有終焉之意因謂羣臣曰舜葬蒼梧二妃不從豈必遠祔山陵然後為貴哉吾百年之後神其安此高祖乃詔有司營建壽陵於方山又起永固石室將終為清廟焉太和五年起作八年而成刊石立碑頌太后功德十四年崩于太和殿謚曰文明太皇太后葬于永固陵日中而反虞于鑿玄殿詔曰尊旨崇儉不申罔極之痛稱情允



禮仰損儉訓之德進退思惟倍用崩感又山陵之節  
亦有成命內則方丈外裁揜坎脫於孝子之心有所  
不盡者室中可二丈墳不得過三十餘步今以山陵  
萬世所仰復廣爲六十步辜負遺旨益以痛絕其幽  
房大小棺槨質約不設明器至於素帳縵茵瓦之  
物亦皆不置此則遵先志從冊令俱奉遺事而有從  
有違未達者或以致怪梓宮之裏玄堂之內聖靈所  
憑是以一一奉遵仰昭儉德其餘外事有所不從以  
盡痛慕之情其宣示遠近著告羣司上明儉誨之善  
下彰違命之失初高祖孝於太后乃於永固陵東北  
里餘豫營壽宮有終焉瞻望之志及遷洛陽乃自表  
灑西以爲山園之所而方山虛宮至今猶存號曰萬  
年堂云

水經注羊水又東注於如渾水亂流逕方嶺上有文  
明太皇太后陵陵之東北有高祖陵二陵之南有永  
固堂堂之四周隅雉列榭階闌檻及扉戶梁壁椽瓦  
皆文石也檐前四柱采洛陽之八風谷黑石爲之雕  
鏤隱起以金銀間雲雉有若錦焉堂之內外四側結  
兩石扶帳青石屏風以文石爲緣並隱起忠孝之容  
題刻貞順之名廟前鐫石爲碑獸碑不至佳左右列  
柏四周迷禽閣石院外西側有思遠靈圖圖之西有  
齋堂南門表二石闕闕下斬山累結御路下望靈泉  
宮池皎若圓鏡矣

永泰陵

魏皇后傳宣武順皇后于氏崩葬永泰陵

北齊神武帝義平陵



北齊書武定五年正月丙午神武崩于晉陽諡獻武  
王八月甲申葬于鄴西北漳水之西天保初追諡爲  
獻武帝陵曰義平天統元年改諡神武皇帝  
元和郡縣志神武陵在滏陽縣南三里  
太平寰宇記高齊神武陵去縣三里今有天鹿石闕  
尙存

北齊皇后傳神武明皇后婁氏太甯二年四月崩于  
北宮五月甲申合葬義平陵

文襄帝峻成陵  
北齊書王還晉陽遇盜而殂葬于峻成陵齊受禪追  
諡爲文襄皇帝

北齊皇后傳文襄敬皇后元氏魏孝靜帝之妹也封  
馮翊公主歸於文襄文宣受禪尊爲文襄皇后武平

中后崩附葬義平陵

乾學案義平陵恐是峻成陵

文宣帝武甯陵

北齊書天保十年冬十月甲午帝暴崩于晉陽宮德  
陽堂十一月辛未梓宮還京師十二月乙酉殯于太  
極前殿乾明元年二月丙申葬于武甯陵

閔悼王墓

北齊書皇建二年九月王薨大甯二年葬于武甯陵  
之西北諡閔悼王

孝昭帝文靖陵

北齊書皇建二年十一月帝崩于晉陽宮大甯元年  
閏十二月癸卯梓宮還鄴庚午葬于文靖陵

武成帝永平陵



北齊書河清四年夏四月傳位於皇太子天統四年十二月辛未太上皇帝崩于鄴宮乾壽堂二月甲申葬于永平陵

### 後周文帝成陵

後周書魏恭帝三年夏太祖北巡狩九月有疾還至雲陽冬十月乙亥崩于雲陽宮還長安發喪甲申葬于成陵武成元年追尊爲文皇帝

後周皇后傳文帝元皇后生孝閔帝大統七年薨魏恭帝三年十二月合葬成陵武成初追尊爲皇后元和郡縣志後周文帝成陵在富平縣西北十五里孝閔帝靜陵

後周書魏恭帝三年十二月魏帝詔以岐陽之地封帝爲周公庚子禪位於帝元年春正月卽天王位九

月晉公護逼帝遜位幽於舊邸以弒崩及武帝誅護上謚曰孝閔皇帝陵曰靜陵

### 明帝昭陵

後周書武成二年夏四月庚子大漸詔曰朕稟生儉素非能力行菲薄每寢大布之被服大帛之衣凡是器用皆無雕刻身終之日豈容違棄此好喪事所須務從儉約斂以時服勿使有金玉之飾若以禮不可闕皆令用瓦葬日選擇不毛之地因地勢爲墳勿封勿樹且厚葬傷生聖人所誠朕旣服膺聖人之教安敢違之凡百官司勿異朕此意辛丑崩于延壽殿五月辛未葬于昭陵

後周皇后傳獨孤皇后世宗崩與后合葬

### 武帝孝陵



後周書宣政元年五月己丑帝總戎北伐癸巳帝不豫止于雲陽宮六月丁酉夜崩于乘輿遺詔曰朕平生居處每存菲薄非直以訓子孫亦乃本心所好喪事費用須使儉而合禮墓而不墳自古通典隨吉卽葬葬訖公除妃嬪以下無子者悉放還家己未葬于孝陵

後周皇后傳武帝阿史那皇后靜帝尊爲太皇太后隋開皇二年殂高文帝詔有司備禮冊祔葬孝陵

### 宣帝定陵

後周書大象二年五月薨于天德殿七月丙申葬定陵

後周皇后傳宣帝楊皇后隋文帝長女大業五年從煬帝幸張掖殂于河西煬帝還京詔有司備禮祔葬

### 后于定陵

### 靜帝恭陵

後周書大定元年隋王楊堅稱尊號帝遜于別宮開皇元年五月壬申崩諡曰靜皇帝葬恭陵

### 隋文帝太陵

隋書仁壽二年八月己巳皇后獨孤氏崩閏十月壬寅葬獻皇后于太陵四年秋七月丁未帝崩于大寶殿冬十月己卯合葬于太陵同墳而異穴

文獻通考士庶赴葬者皆聽入視陵內

元和郡縣志隋文帝太陵在武縣西南二十里三時原上

合璧事類隋文帝仁壽二年皇后獨孤氏崩上令儀同三司蕭吉爲皇后擇葬地得吉處云卜年二十卜



世二百上曰吉凶由人不在於地高緯葬父豈不卜乎俄而國亡正如我家墓田若云不吉朕不當爲天子若云不凶我弟不當戰沒然竟從吉言吉退告族人蕭平仲曰後四載太子御天下若太子得政隋其亡乎吾前給之云卜年二千者二十字也卜世二百者取世二傳也

煬帝墓

隋書大業十三年十一月唐公入京師遙尊帝爲太上皇立代王侑爲帝改元義甯二年三月右屯衛將軍宇文化及等以驍果作亂入犯宮闈上崩于溫室蕭后令宮人撤牀簀爲棺以埋之化及發後右禦衛將軍陳稜奉梓宮于成象殿葬吳公臺下唐平江南之後改葬雷塘



讀禮通考卷第八十九

禮記通考

卷八十九



